



Ex 19.230.5



Harvard College Library

FROM THE

CONSTANTIUS FUND

Established by Professor E. A. SORNOGLAS of Harvard
University for "the purchase of Greek and Latin
books, (the ancient classics) or of Arabic
books, or of books illustrating or ex-
plaining such Greek, Latin, or
Arabic books." (Will,
dated 1880.)

19257-

OBSERVATORVM
IN SENECAE TRAGOEDIIS LIBELLVS

AVCTORE

R. PEIPER.

COMMENTATIO PRAEMISSA PROGRAMMATI GYMNASII MAGDALENAEI
VRATISLAVIENSIS.

VRATISLAVIAE

TYPIS GRASSHI, BARTHII ET SOCH (W. FRIEDRICH)
MDCCLXIII.

Se 19.230.5



Constantine fund

Quum autumno anni LXI Vratislaviam uocato mihi tandem contigisset ut codices qui ibi in bibliotheca Reddigerann asseruantur tragoediarum Senecae perlustrarem atque penitus excuterem, allatus est Lucinni Muelléri liber quem de re metrica poetarum latinorum praeter Plautum et Terentium scripsit (ed. Lipsiae in aedibus B. G. Teubneri a. MDCCCLXI). Eum statim arripui, quum de ea re quam ipse modo tractaueram, Oedipi dico et Agamemnonis cantica, sperarem fore ut sanum hominis nostri temporis iudicium audirem. Nam ex quo Hieronymus Auantius Veronensis de carmine iambico trimetro apud L. Annaeum Senecam Tragicum et Georgius Fabricius Chenmicensis de reliquis huius poetae carminum generibus scripsit, nemo extitit qui in metricis Senecae rationibus aliquid studii poneret ante Muellerum. Vix enim digni sunt qui nominentur Grotefendius Bothius alii qui Fabricii prementes nestigia codicum nullam fere habuerint rationem nec tamen alias quas sequerentur rationes in constituendis Senecae carminibus inuenerint. Legendi igitur cupidum non deterruit inhumanum uiri ingenium (uid. pag. 25 146 160 — 144 149 aliosque locos), quo abreptus uiros doctrina subtilitate industria humanitate morum castitate praestantes non est ueritus ignominia adspargere: allexit doctrina diligentia sagacitas qua subtilissimas quaestiones uidebam tractatas. Sed spes me fefellit. Quamuis enim permulta de tragoediarum auctore recte disputata et egregie obseruata uiderem, tamen in hanc uenientiam subtilem illum in subtilibus quaestionibus hominem carere sensu eo quo is qui carminum Graecorum Romanorumque formam intelligere uelit, non sine maximo damno careat. Et huius quidem rei testimonium certissimum finis est libri primi (quaeritur autem illic „quo inter se conexu fuerint iuncta studia poetarum latinorum me-

trica“), ubi adscribuntur „cantica ista suae integritati restituta“ Oedipi 403—15 472—502 709—3, Agamemnonis 589—636 808—66. — Quum autem ipse de his carminibus quaestionem retractarem, in ceterorum canticorum naturam inquirere visum est. De his igitur quae observaui nouem capitibus complexus sum, decimo denique quum nec otium nec chartae diutius in hac re commorandi ueniam darent, canticorum quae mihi pristina forma est uisa quantum potui breuissime exhibui apposita uera codicum imagine et uulgarium et Etrusci cuius mihi facultatem dudum largita est Ottonis Ribbeckii liberalitas. Quibus uero argumentis fulciri uideatur mea sententia propediem alio loco accuratius et fusius exponam.

Metra ea quae minus ad rem nostram pertinent. iambicum trimetrum et anapaestos, omit-
tentes Horatianorum primum metrorum quales sint apud Senecam rationes uideamus (cfr.
B. Schmidt c. VIII p. 57 — 73). Sunt autem sapphicum hendecasyllabum cum adonio, gly-
conicum cum pherecrateo, asclepiadeum primum. iambicorum deinde et trochaicorum,
postremo alcaicorum uersuum et hexametrorum breui perlustrabimus conditionem.

I.

Et *sapphici* quidem uersus constanter habent dipodiam trochaicam ita quidem ut
secundus pes semper sit spondeus, et qui sequitur dactylus nunquam, ut quibusdam uisum
est, contrahitur in spondeum. caesura autem in omnibus quotquot leguntur uersibus fit post
arsin dactylicam.

Sunt tamen uersus qui his legibus aduersari uideantur.

- | | | |
|---|-----------|----------------------------------------------------|
| a | Hipp. 286 | Quaeque ad <i>Hesperias</i> iacet ora metas |
| | 288 | Si qua <i>Parrhasiae</i> glacialis ursae |
| | Tro. 839 | An ferax <i>uarii</i> lapidis <i>Carystos</i> |
| b | 1054 | <i>Troia</i> qua <i>iacent</i> regione monstrans |
| c | Med. 636 | Sumere <i>innumeras</i> solitum figuras |
| d | Hipp. 287 | Si qua feruenti <i>subiecta</i> cancro est |
| e | Tro. 824 | Misit infestos <i>Troiae</i> ruinis |
| | 856 | Dum luem tantam <i>Troiae</i> atque <i>Achiuis</i> |
| f | 855 | Mittat et donet <i>cuiusque</i> terrae |

Dubium est enim utrum in his metrica quaedam licentia concedenda sit poetae tragico,
scilicet ut in quinque prioribus uersibus dactylum posuerit pro spondeo, in quattuor autem
qui sequuntur pro anapaesto spondeum ¹⁾. an quod fieri aliquo modo posse in omnibus his
exemplis putarunt uiri doctissimi, synizesi atque duplici literarum *i* et *u* ei et potestate ad-
hibita numeri possint erigi.

¹⁾ Digna illa Luxurio licentia non Seneca. cf. Meyeri Anth. n. 334, 5: *An tabulae* melius praemia
grata sunt. n. 343, 7: Quo se *Heliconiades* ferunt puellae.

Et primo quidem conspectu nostro iure, quum tot uersus profuderit Seneca intergerminis sapphicos asclepiadeos glyconeos, et hos uersus bonos esse dicemus et secundum firmam constitutamque legem formatos ex eisque potius de synizesis natura fuisse iudicandum quam rationibus prosodiacis temere constitutis uersuum evertendas rationes. Quae enim ex Agamemnone (u. 617 630 809 846 850) ad dactyli contractionem defendendam proferuntur exempla nihil iis probatur, quum adhuc carminum Agamemnonis Oedipique conditio sit obscura. Supersedere igitur possum labore B. Schmidii (de emendandarum Senecae tragoediarum rationibus prosodiacis et metricis. Berolini typis G. Lange. 1860) sententiam refellendi quam logicis legibus prorsus neglectis (uid. p. 6 coll. cum p. 72) corruptis maxime illis uersibus fulcire conatur.

(a) Licentiam illam tragicam Senecae obicit Lucianus Mueller p. 164. (cf. p. 259: „nuncquam Lucanus et Seneca *i* uel *u* mutarunt in consonam.“) Defendit tamen p. 272 cum Schmidio p. 13 contra Bothium suapte duobus syllabis pronunciatum a poeta Ag. 250) quibus tamen illa usum esse Senecam demonstret alia exempla non attulit neque potuit afferre. Similiter Schmidius iudicat quamquam in aliquot uersibus pronunciando metricum illud uitium exaequari atque mitigari posse concedit p. 72 non uidens hac ipsa in re positam esse synizesin neque exclusam illam ueniam ab his *Parrhasiae Hesperiae narji*. Sane non extat apud Lucanum *i* et *u* duratum, sed extat illud apud Persium Iuuenalem Silium Valerium Flaccum Manilium Columellam, hoc apud Silium Statium Persium Valerium Flaccum¹⁾. Et uocalis quidem in consonantem mutata superiorem syllabam breuem saepe, non semper, producit, quod quum in quinque quos adscripsimus uersibus fieri inueniamus, in eo etiam inesse praesidium quoddam puto nostrae opinionis.

(d) Consonantem *i* unquam in uocalem solutam negat Schmidius p. 16. Verum ut primum de *subiecta* dicam: subiendi formae nisi soluta consonante in uocalem leguntur, uereor ne magnus Ouidianorum uersuum numerus non recte legatur quorum exempla hic habes:

Met. I 155	fulmine, et excussit <i>subiecto</i> Pelion Ossae
II 68	Tunc etiam quae me <i>subiectis</i> excipit undis
VI 220	Duraque mollierat <i>subiectas</i> ungula glebas
VII 222	Sublimis rapitur, <i>subiectaque</i> thessala Tempe
399	Exiguo finxit <i>subiectos</i> sanguine cultros
638	Graniferumque agmen <i>subiectis</i> spargere in aruis
749	Collis apex medii <i>subiectis</i> imminet aruis

quum non offendat *subiecta* tribus syllabis elatum in hoc:

Met. VII 304 Spes est uirginibus Pelia *subiecta* creatis

Quodsi non Ouidius ipse ut *j* uerteretur in uocalem instituit, tamen qui postera aetate eius legebant carmina fecerunt quod metrum iuberet et ex analogia atque literae eius natura concederetur.

¹⁾ Exempla collegit Lucianus Mueller p. 256 et Fr. Bockemueller de elisione etc. progr. gymnasiu Staddensis 1860, qui de uerbis cum semi compositis aliisque multis non recte iudicat.

(f) Discedunt deinde de u. 855 Troadum Schmidtii et Muellieri sententiae, quorum alter p. 13 *cui* semper esse monosyllabum contendit, alter p. 269 Iuuenalis (III 49 VII 211) Martialis (apud quem quater legitur *cui* duabus syllabis) Statii (bis *huc* duabus syll.) versibus duabus syllabis *cui* pronunciari posse dicit. Addendum erat *i* illud ab origine simplicem per se fuisse uocalem, sed postea cum *u* pronunciando in diphthongum coaluisse, nihil igitur obstare, quom et posterioris temporis praestent exempla, quominus in Troadum uersu in priorem rediisse statum putemus. Errat autem Mueller, si etiam Ag. 146 *cui* dissyllabum esse contendit et elidi uocalem *i* ante uocem quae est *ultima*. Immo ne prorsus debilitetur uox hoc loco plena diphthongo enunciatum mihi uidetur a Romanis sic: *cui* ultima est fortuna, quid dubiam timet?

(e) Restant uersus ei in quibus *Troia* ita positum est, ut nisi tribus syllabis constet, uersus sit claudus. Non eo pertinent haec exempla quo Schmidtijs posuit p. 16. Nam in Troiae nomine *i* ab origine non est consonans, sed uocalis quae modo per se poterat pronunciari, modo cum *o* praecedente diphthongum efficere. Nihil igitur impediret quominus in Troadum u. 419 qualis est in uulgatis

Tunc obruta atque euersa Troia concidit

cum Daniele Heinsio Troia *αἰσχυρῶς* legeremus „ne in suas peccet leges Seneca“, nisi in Etrusco esset *quodcumque accidit*. Sed alteram in nostris uersibus adhibuit poeta licentiam, ut corripere etiam contra usum *o* uocalem, cuius rei ueniam ex graeca uoce *Τροία* sumpsisse uidetur¹⁾.

Accedunt alia. Minime est credibile contractum dactylum nusquam adhibitum usurpatum fuisse a poeta uersibus duobus sese statim excipientibus (Tro. 855 856 cuiusque Troiae) neque etiam solum fuisse bis in duobus insequentibus uersibus spondeum nunquam solum (Hipp. 286 288 Hesperias, Parrhasiae) uiolato statim altera illa sapphico-rum lege (u. 287 subiecta). Non tamen tacere uolo cautius de his uersibus uideri iudicandum, quom nondum sit satis exploratum quae intercedat inter Etruscum codicem et uulgaris libros diuersitas quae ne hoc quidem loco erit neglegenda. Legitur enim in uulgaribus libris²⁾:

Quaeque ad occasus inext ora seros

et: Si qua maioris glacialis ursae

possit etiam Hesperias natum esse e uoce *extremas*.

Grauius argumentum est quod Mueller recte dicit Senecam aliosque latinorum post Horatium poetarum minus sibi permisisse quam ipsum Horatium (cf. de seuerissima lima

¹⁾ cf. Boeper in Philologo XVIII (1861) p. 363: „Die auflösung Troiae hat ihre analogie in den bekannten Cuius und Achuis, sowie in den von mir Varr. Eumen. II p. 37 nachgewiesenen Cuius und peius. Die lange der ersten silbe erklärt sich genügend aus der durch die schreibung Troia bekundeten aussprache, ohne dass man zu dem piindarischen Troia seine zuflucht zu nehmen brauchte, obgleich auch der umstand schon, dass man Troen sonderu Troia sagte, ein übergewicht des O-lautes bezeugt. — Seneca Tro. 824 855 in sapph. hendecis. Troiae scheint eine gräcistische neuerung, wofen er sich nicht erlaubt hat, für den dactylus (wie Catull. LV) den spondeus zu gebrauchen. denn auch v. 853 cuiusque terrae dürfte ein vierstibiges cuiusque ohne alteres heispiel sein.“

²⁾ Hesperias... metus Etruscus, Melisseus, biga Palatinorum. Parrhasiae nullus Palatinorum codicum.

Senecae monometris adhibita p. 147. de trimetris p. 149. clausulam enuncianti cum systematum fine eunire p. 238. de hypermetris versibus p. 182.) quam remeo confirmatam uideamus quod quum Horatius etiam post sextam breuem sapphiorum fecisset caesuram Seneca constanter fieri eam iubet post quintam syllabam ¹⁾.

Neque apud ceteros poetas contractum in sapphici versibus logaedicisque metrici inueniunt praeter Catulli c. LXI u. 25 *nutrunt leuore* qui aperte est corruptus et Statii Silu. I 6 16²⁾. De Catullianis hendecasyllabis c. LV quid sentiam, infra exponam. Durari autem apud poetas *i* uocalem passim inuenimus quo syllaba breuis producat. Id aperte factum a Catullo qui quum nusquam hendecasyllaborum basin efficiat tribus syllabis, saepissime iambicam (ut LIII 3 XLIX 1 etc.), carmine LV u. 10:

Camerium quoque pessimum poetam

secundam uocis Camerium syllabam uoluit *i* litera produci. qua in re consentientem uideo Muellerum p. 257.

(b) Supersunt duo uersus, alter ubi *e* uocalis propter metrum cum *a* ita debebat concrescere, ut quum sequuntur breuem reddant longam: *iaecat*. Eius generis quamquam non prolata sunt ex Senecae tragoediis satis multa atque suspicione libera exempla, tamen res ipsa dubitatione caret ex ceterorum poetarum testimoniis. Sed poterant ex his quoque tragoediis exempla quaedam satis certa affert.

De Thy. u. 233 nondum satis constat, adscribam quae leguntur in codicibus. Eirucus: fatale saxeo pascuum muro tegens. Saxeo etiam in nonnullis Commelinianis apparet. aperte ineptum uidetur Muellero, defendit Schmidtus p. 12. Ed. Basil.: Fatale saxeo pascuum muro tegens. In Reh digeranis 10 11: Fatale sacro pascuum more (11: muro) tegens. Vratial.: f. sacro p. monte 1. Et sacro etiam in ceteris uulgatis libris exhibetur.

Minus dubia est emendatio loci Tro. u. 191:

Ite ite inertes. manibus meis debitos

Auferte honores

„quem potest uideri respexisse Quintilianus VIII 3, 25“ (apud quem *mis* recte Zumptius, *miis* Bonnellus scripsit) — cui et Mueller p. 255 et Schmidtus p. 12 adscriptantur. Addo Medaeae u. 778 qui uirus Herculeū inibit, ubi *e* et *u* coniunctis etiam syllaba praecedens produciunt: non enim Senecae condonabimus quod Boetio est permisum (II 7

¹⁾ non igitur uideo quomodo recte miram prauitatem ingenii quod metricas res attinet Senecae possit obicere Lucianus Mueller p. 164. cui uel hoc aduersatur quod dicit p. 245 „Quis credit Annecum in iambicis metris ea insolentia fuisse usum quam ne in dactylicis quidem adhibuerit?“ (quod quam sit falsum exemplorum numero proditur). Neque recte p. 283 idem Senecam cum Horatio comparat: „ita Horatii non idem usus in melicis et satiricis, ita Seneca in choricis longe alia arte utitur quam in diuerbiis“: recte quidem ad synaloephen, sed chorica et diuerbia Senecae omnino non adeo differunt arte quam Horatii carmina et satirae cum epistolis.

²⁾ Statius Silu. I 6 16: *largis gratulū cadit rapinis*. de quo loco ex metricis legibus prius erat indicandum quam ex prosodiacis. qua de re qui nuper in Museo Rheno XVII (1862) p. 457 sq. sententiam tulit Guilelmus Schmitzius, recte quidem in uersu Statiano solutam dicit diphthongum, ut staret uersus. nunquam enim Statius dactylo utitur spondei loco. sed non eandem ille rationem in fortuitus uoce adhibuit quam apud Maniliū I 182 soluta diphthongo legendam esse ostendit L. Mueller p. 258. Ceterum praeter ea exempla quae collegit Forcellinus alia nulla comparauit Schmitzius.

Quid Brutus aut rigidus Cato) in tertia sede dimetri iambici anapaestum collocare. Neque dubito HO. u. 102 frustra tentatum ita emendare:

— Vos pecus rapiteocius

Qua templa tollens *area* Cenaei Iouis

Austro timendum spectat Euboicum mare.

ubi ara codices, acta i. q. ἀκτῆς Rutgersius, acra Scaliger, ora Bothius. coll. HO. 782 hic rupe celsa nulla quam nubes ferit Annosa fulgent templa Cenaei Iouis. Ag. 562 Arx imminet praerupta quae spectat mare Utrimque geminum. Phoen. 67 Hic alta rupes arduo surgit iugo spectatque longe spatia subiecti maris. Ovid. Met. X 86 (XV 298) collis erat collemque super planissima campi Area. Cicero Verr. IV 48 in summo monte est aequata agri planities.

(c) De Medae autem u. 636, quamvis quotidie discipuli docent in uerbis a *numerus* deriuatis e uocalem pronunciando facile elidi interposito *l* consonanti ut assolet inter *m* et *r*, tamen quum uix tragico digna uideatur hoc synizesis genus, me ualde dubitare confiteor. neque cum similibus locis conuenit hic uersus. cf. Oct. 203 se in formas omnes uertere. HO. 496 Achelus omnes facilis in species dari Tandem peractis omnibus patuit feris.

Itaque hoc excepto ceteros quos attulimus supra uersus ex incorruptis canticis desumptos ex seuera sapphycorum norma formatos contendimus. fortasse etiam Oedipi Agamemnonisque canticorum aliquot sapphicos poterimus defendere:

Te caput *Tyria* | cohibere mitra Oed. 413

Sidus *Arcadium* | geminumque plaustrum Oed. 477 nisi forte fuit *Arcadum*
sidus

Sensit *Arcadii* | populator agri Ag. 832

et ferendum esset quod effecit Swoboda Ag. 849:

[Dextera] e medio | spoliū feroci

Magnus Alcides | cui lege mundi Ag. 813

[Rursus] *Herculeā* | cecidit pharetra Ag. 614 (Ut quondam H. codices.)

Dubitandum est num satis munitum sit sua contractum Agamemnonis u. 250 (suapte): Fraude *sua* capti | caderent Pelasgi Ag. 632. quamquam *n* in *e* durati aliud exemplum fortasse ostendit HO. 981 qui ita mihi uidetur emendandus: et quidquid aliud cessit (ita Etruscus, uulgati restitit) a *beluis* tamen, coniunx, redisti. ubi codices ab illis — Both. a bellis. quam uocem qui etiam Horatio restituere uelit c. I 12 6Gustavus Wolfius Philol. XVIII p. 727 (1862) Orphea *bēlūae* = siluae, non uidit etiam Senecam respicientem illud Horatianum Hf. u. 572 dicere: Quae *siluos* et aues saxaque traxerant Ars. quae praebuerat fluminibus moras, ad cuius sonitum constiterant ferae, et HO. u. 1054: Ad cantus ueniunt suos *ipsis cum latebris* ferae.

Nescio num acciderit casu, quod praesertim in sapphycis carminibus tot synizesis exempla inueniuntur. nam pauca sunt quae ex ceteris metrorum generibus allata sunt. Ex asclepiadeis unum tantum adscribam neque id omni suspitione liberum:

Effugium et liberos | libera mors uocet Ag. 589

Caesuram sapphycorum quum rarissime neglexerit Seneca, uersus tamen carminum istorum Agamemnonis et Oedipi ubi id factum excusationem habent ex nominibus propriis et quae enclitica:

- ~ Thermodon[ti]acae cateruae Oed. 481 (Codd. omittunt graues quod exhibent editiones ante cateruae)

- ~ - Amphioniaque caede Oed. 485

ita enim locum emendauit Iacobus Gronouius in schedis Diezianis. Ophion Cadmi socius neque ab Ouidio neque a Seneca commemoratur, sed Amphionias arces dixit ille Met. XV 427 et egregie Senecae Hf u. 268 Heinsius correxit ita: ciuitasque Amphionis ubi codd. fere atque *Ophionius ciuis* aut: *ciuis atque Ophionis*. Poterat Seneca etiam *Echioniaque* dicere, ut uoluit Grotius coll. Ouid. Met. III 126 Echione natus Pentheus.

Conditos regesque luemque gestans Ag. 630. ita enim corrigendum uidetur quod traditur codicibus reges bellumque.

Patet nullum omnino esse uersum quod legitur in Agamemnone 631

Et licuit uersare dolos ut ipsi.

Licentia alia praeter hanc quam diximus poeta non est usus. itaque synzesis atque diaeresis licentiam libenter feremus.

Restat ut de duobus locis dicam quorum alter quamuis dudum sit emendatus tamen ut olim est editus perperam exemplaribus uulgatur. HO. 1560. *Parcite o dices* inhibete dextas. Florentinus *o duces*. legendum *parcite, audaces* i. d.¹⁾ HO. 1562. Minimum cruentis In tuas urbes licuisse satis. Flor. minus in procellis. fortasse: *minimum procellis* In tuas urbes licuisse satis. Alterius medela iniuria Bothio qui de auctore tacet adscribitur. Utrumque debetur schedis Gronouianis quae Berolini asseruantur (ms. Diez. B Sani. 8. n. 154.) Dudum ex Etrusco correctus est Thy. u. 605: cuncta diuitias — cuncta diuinat (*diuinat* uetus exemplar Colonienae) quamquam huc non conuenire illud uisum est Grutero. De HO. 1590 quum non constet quid Etruscus habeat, licet dubitare num uerum repperit Lipsius: *horreat: nulla dominetur aula*. Mihi potius. quum sapphycorum clausulae tradantur libris, lacunae signis positae scribendum uidetur:

Non duces saeuos miseranda tellus

- ~ ~ ~ ~ habeat nec ulla

- ~ ~ ~ ~ dominetur aula.

¹⁾ ut nunc malim legere: *parcite o, duras* inhibete dextas, coll. Oed. 986. Seruastque suae decreta colos Lachesis dura reuoluta manu.

II.

Haec habuimus de singulis versibus. Addenda sunt quae de carminum sapphycorum compositione deque adoniis immixtis obseruauimus.

I. Desunt adonii in his carminibus

Hf. 830—874 (sequuntur glyconei)
Hipp. 274—324 (continuat anapaestis)
Hipp. 1149—1153 (antecedunt uaria metra, sequuntur trimetri quibus nouus paratur actus.)

II. Adduntur singuli adonii

- a) adonius in fine carminis positus HO. 1518—1606 (finitur actus)
Thy. 546—622 (finitur actus)
b) priorem partem carminis claudit adonius: Tro. 1010—56 (1021 adonius, u. 1057 incipit nouus actus).
c) partem et priorem et posteriorem claudunt adonii Hipp. 736—752 (740 et 752 adonii, sequuntur asclepiadei.)

In his igitur canticis continuantur sapphyici nunquam aut raro neque id certa lege breuiore uersu interrupti aut clausi.

III. Composuit tamen poeta etiam carmina strophis iterato sapphyicorum numero constantibus quarum unicuique additus est adonius.

a. Tale est carmen quod legitur Med. 579—669 in quo quaternorum uersuum strophas septem sequuntur quinque strophae nouenis constantes uersibus. A uersu denique 652 usque ad u. 669 17 sapphyici leguntur uno adonio u. 669 clausi. Versus tamen 660 *Patrique pendet crimine poenas* mirum quod non docuit metricos turbatam esse hanc chori partem. Inest aperte uersus iste breuior stropham claudens paenultimam numerusque stropharum restituendus is quem quaternariae illae seruauerunt. Versibus igitur transpositis ita censeo legendum¹⁾:

661 Fulmine et ponto moriens Oileus
660 a - - - - patrique pendet
660 b Crimine poenas.

¹⁾ Violentius egerunt et Badenius cum Bothio qui quamquam hoc metri genus etiam in Oedipi u. 489 inuenire sibi uisus est, tamen quia hic solum inter meros sapphyicos sit positum Ascensionem lectionem „crimini poenas patrio pendit“ praefert, et Lucianus Mueller qui p. 119 l. l. pro uerbis *patrique pendet* c. p. „aperte (?) glossam continentibus“ substituere uult uelut *crimine amaris*. — In transcurso aliam huius cantici mendam tollere liceat. Legendum est enim ex codicis Florentini uestigiis u. 652 sq.

Idmonem quamuis bene fata nosset

Condidit *pestis*. Libycis arenis etc. (E *sepi*, uulgares *serpens*.)

Valent enim quum alii morbo alii apri dentibus alii serpentis morsu extinctum dicerent, Ouidio praecunte Met. VII 764 quaecunque mortis causa erat *pestem* dixit poeta.

- 658 Igne fallaci nociturus Argis
 Nauplius praeceps cadit in profundum
 662 Coniugis fatum et q. s.

Sexta nunc strophæ ab Idmone ad Oileum ducit, septima a Nauplio ad Pelian. Et deest quidem ultimæ strophæ adonius, sed totius chori clausula illi subiuncta est constans integro sapphico cum adonio u. 668 669:

Iam satis diui mare uindicastis.
 Parcite iusso.

Quæ enim finiunt chorum strophæ aut periodi longiores esse propter grauitatem quam quæ antecesserunt, alio quoque infra exemplo demonstrabimus (Medæe carmine u. 849—878 anacreonticis composito).

b) Supersunt duo carmina quorum quæ genuina fuerit forma quum diu ambigerem, strophica ea quoque fuisse nunc contenderim. Differunt ab eis quæ supra perlustrauimus maiore adoniorum numero qui præterea post paria fere spatia, in periodorum nempe finibus, repetuntur. Chorus ille *Troadum in fine tertii episodii* positus u. 817 — 863 quatuor constat partibus quarum ultimæ tantum deest adonius, et partes istæ constant præter adonios 11 9 14 10 sapphicas. Chori natura tot urbes regionesque nullo ut uidetur ordine enumerantis, singulis uersibus nullo fere uinculo cum posterioribus et superioribus coniunctis, perturbationis erat praesidium. quæ affectum eum esse ostendunt u. 847 — 853 ubi ex quo uerbo pendeant accusatiui nullo modo intelligi potest, quamquam Doruillius ad Charitonem p. 707 eos studuit defendere — ait enim „accusatiui et alii casus saepe a remotis uocubulis pendent uel intellectis,“ at hoc loco ne intelligi quidem debet ullum uocabulum, quum toties nominatiuus repetatur nec quidquam lectorem ad infra positum uerbum reiciat. Non dubium est quin ante hos uersus exciderit finis superioris, initium huius strophæ. Adde quod omnes partes chori propriam sequuntur legem: prima et secunda plenior finiuntur loci descriptione, tertiæ uersus uocula *an* efferuntur (quæ etiam in u. 843 reponenda pro *ac*: An carens nunquam Gonoessa uento Quæque et q. s.), quartæ uersus ex uerbo transitio pendent quod quidem intercidit. Videtur etiam ultimus carminis uersus adonius deesse: quum enim dicant Troades:

Aut quibus terris Hecube uidendam
 Ducet? in cuius moriere regno

desideramus adiectiuum quo Hecubæ quæ futura sit ibi conditio apte describatur.

Qui ad nostrum tempus hoc carmen enarrarunt non perspexerunt nomina locorum omnia præter *Peparethum* insulam (taceo de Pisa et Eleusine quas quis non statim cum Elide et Athenis iunxisset imitator Homeri?) desumpta esse ex *Homeri catalogo* l. II Iliadis. quod quum urbium ut ab Homero ita a Seneca coniunctarum nomina comprobant (1) tum etiam epitheta (2) descriptionesque (3) ad Iliadis uerba factæ.

- 1) B 532 *Μίσσαν τε Σκάρφην*. 851 Bessam et Scarphen. B 632 *Ἰθάκη Νήριος Ζάκυνθος* cf. 859 860. B 682 *Τρηχίνα Φρίην* cf. 820 821. B 639 *Πλευρώνα καὶ Ἰβήρην* cf. 829 830. B 536 539 *Χαλκίδα Κάροντον* cf. 839—841.

- 2) B 615 *Ἥλιος διὰν* 859 *Iouis et coronam Elida claram.* B 649 *Κρήτην ἐκατόμυτον* 823 *Urbibus centum spatiosa Crete.* B 729 *Τράχηρ κλωμαίνουσαν* 824 *sterilisque Tricée.* B 513 *αἰπυρρὴν Ἰονόουσαν* et B 606 *ἡραμένησαν Ἐνίοπην* (cf. I' 305 *Ἦιον ἡραμένησαν* et v' 490 δι' ἀπείρας ἡραμένησας) 843 *catens nunquam Gonoessa uento quaeque formidat Boream Enispe.*

Præcipue ei loci rem probant, ubi ab illis urbibus iuxta positus ab Homero epitheta mutuatus est poeta. Quod factum est u. 831 an maris lati sinuosa Troezen coll. B 561 *Ἐριθέην Ἀσίην τε βαθρὴν κατὰ πόλιν ἔχουσαι, Τροῆς ἤν' Ἥρόως τε.*

- 3) Phthiae (819 820) descriptio debetur Iliadis uersui A 155 *ἐν Φθίῃ ἐριζώλακι βοιωτανίῃ.* De Prothoi regno (832) uide B 756 *Μηγρήϊον δ' ἔρχετ' Ἠρόδουος Τερθροδόνος νίος, ὅς περὶ Ἠγνεῖον καὶ Ἥλιον ἐνοσίφελλον Ναϊσικον.* In Pleuronem (830) transtulit poeta, quod de Calydone I 533 *Homerus dixit: καὶ γὰρ τοῖσι καὶὸν χρυσόθρονος Ἀχιλῆος ὤρεον Νισσαμένη* (Homerum secutus est Ovidius Met. VI 415 nondum toruere Calydon inuisa Dianae). De Titareso (850) uide B 751 sqq. *ὃς ῥ' ἐς Ἠγνεῖον προΐει καλῆρσαν ἴδωρ, ὃδ' ὅγε Ἠγνεῖο συμμαίγεται ἀργυροδίη, ἀλλὰ τέ μιν κατέπιπθεν ἐπιρρεῖ ἤϊ' ἔλαιον' ὄρεον γὰρ δεινοῦ Σιτύος ὑδατός ἐστιν ἀπορροῖς.*

Quam cum catalogo Homericis comparationem si recte fecimus, certo pronuciare possumus omnium fere populorum quas Homerus nominat etiam Senecam facere mentionem, non ita quidem ut quas ille primo loco ponat eas urbes hic recenseat, sed ut ex unoquoque populo quae sibi placeant eligat. Nominantur igitur¹⁾

1.	Locrorum	B 527	Bessa et Scarphe
	Euboeae	536	Chalcis Carystos*
	Atheniensium	546	(Eleusis) (Peparethos) Salamis.
	Diomedis	559	Troezen Argos
3.	Agamemnonis	569	Mycenae Gonoessa*
	Menelai	581	Pharis Sparte
	Nestoris	591	Pylos
	Arcadiae	603	Enispe
	Elidis	615	Ellis (Pisa)
10.	Ulixis	631	Neritos* Zacynthus Ithaca
	Aetolorum	638	Olenos* Pleuron Calydon
	Cretensium	645	Creta [Gortynen sustulit Gronoulus]
	Insularum	671	Calydnae*

Thessaliae denique ex omnibus fere partibus quas Homerus fecit unum aut plures sibi aumpsit locos: adest uersu 681 Phthia et Trachin 711 Iolcos 738 Gyrtone quam restituit Gronoulus 729 Tricée 716 Methone* 756 Pelion Prothoi regnum 748 Titaresos flumen.

¹⁾ Quae asteriscis notati, de his errauerunt interpretes. uncis inclusi quae non apud Homerum inueniuntur; quae autem in ultima carminis parte conegessit Seneca infestas terras Ilieris minoribus significauit.

Tolluntur contentione ita instituta errores quidam de regionibus a Seneca nominatis qui ad nostrum tempus in editionibus extant: *Carystos* non insula una ex Cycladibus, sed Euboeae oppidum, *Gonoessa* in Argolica non in Aetolia est sita, *Neritos* — nam hic quoque error inde a Farnabio vulgatus ab editore Lemairiano stupidissimo homine¹⁾ est receptus — non Ithacae mons, sed insula, quod, nisi Homeri meminerant, poterat Vergilius docere qui Aen. III 271: Iam medio apparet fluctu nemorosa Zacynthos Dulichiumque Sameque et Neritos ardua saxis. *Olenos* non Elidis illa, sed Aetoliae urbs (B 639). Etiam de *Calydnis* rectius iudicabitur ex Catalogi u. 671 (*Echidnae* vulgares codd. *Calydnae* Florentinus). *Methone* denique ad Pagasaëum sinum est sita, non autem in Messeniorum agro quod dicunt interpretes. cf. Plin. IV 9. Thucyd. VI 7. *Mothone* Florentina est lectio, *Methone* Vratil. Rehdigerani 10 11 etc.

De Pylo notandum est quod in Florentino codice legi testatur Iacobus Gronovius: *Physon an elmen* „An quia illic Nestor unus tam diu uixit, ideo senilem locum dicam? lege Pylon an Neleam [ita Ovidius Met. VI 418]. Nestoream Pylon dicit in Herc. furente.“ Ita ille in schedis a Bothio meque excussis. nec tamen adscripsi ut lapsum doctissimi uiri reprehenderem, in illis enim sibi scripsit non aliis quae cogitando inuenerat, sed quia putabam ueri aliquid inesse in his uerbis.

Quod Seneca Dulichion cum Echinis B 625—630 Rhodumque 633—670 omisit non est mirum. nam illud cum Elide, haec insula cum eis quae in catalogo Homérico sequuntur aut ei cui succedit, Cretae, poterat coniungi. At mirari me fateor quod Boeotorum Minyum Phocensium nullam prorsus iniciat mentionem (B 494 — 526).

Iam Homerum plus lucris attulisse uidemus ad carmen explicandum quam si cum exactissima Graeciae descriptione uel Nicolai Sophiani, quam commendat Delrius, uel si qua nostra aetate proditi comparauissemus. Restant tamen satis multae et magnae difficultates. Qui enim fieri potuit ut poeta Thessaliam et Cretam, cum Thessalia Aetoliam, Troezenen cum Thessalia iterumque Aetoliam Thessaliamque nullo ordine coniungeret, quum Homerum in nauium indice ordinem certum instituisse uideamus, qui quare primum appellet Boeotios, ultimo Thessalos loco ponat patet. Quod uero Seneca Thessaliae urbes primum nominauerit, quae terra proxime aberat a Troia, quod in ultima parte locos ducum graecorum imperio subiunctos recensuerit, nonne haec satis demonstrant etiam Senecam ordine quodammodo atque ratione rem fuisse persecutum? Ut in paucis conferam: misere turbatum est carmen.

Huius confusionis exemplum statim in prima stropha habemus, ubi cum Gronouio legendum est Gyrton e. Nam quod codd. Gortyne habent, hanc urbem *μηχίοσσαν* appellatam Homero ne *προληπτικῶς* quidem, ut uult Badenius, *paruam* dicere licebat. En adsunt duae Thessaliae urbes uno uersu coniunctae, quarum altera quare sit mutata luce est clarius,

¹⁾ L. Annaei Senecae pars tertia siue opera tragica quae ad Parisinos codices nondum collatos recessit nouisque commentariis illustrat I. Pierrot in Ludouici magni collegio rhetorices professor, necnon in academijs Parisiensis eloquentiae professor uicarius. Parisiis Colligebat Nicolaus Eligius Lemire Poesoes Latinae professor MDCCCXXIX — XXXII. voll. III.

notior enim Gortyne urbs et quae cum Creta solebat una nominari. Quod si recte fecimus Cretam illam *ἐκατόμπολιν* alienam esse ab hoc loco quis negauerit? Sequitur Methone

Quae sub Oetaeis latebrosa siluis

Misit infestos Troiae ruinis

Non semel arcus.

vid. Tro. 133 sq. Accipe fletus, bis capte senex.

Nil Troia semel te rege tulit.

Bis pulsata Dardana Graio

Moenia ferro bisque pharetras

Passa Herculeas.

et Agam. u. 614 Rursus (codd. ut quondam) Hercules cecidit pharetra

et ibidem u. 862 Te duce (Alcida) succidit Mendax Dardaniae domus Et sensit
arcus iterum timendos.

Ex quibus intelligitur *non semel* non ad *misit* pertinere, sed cum *infestos* esse coniungendum. Philoctetae autem patriam Meliboeam Magnesiaem urbem non expresso nomine post Methonam laudari putauerunt editores. Verum hoc neque cum scriptoris more conuenit qui nunquam describendo tantum significat loca et alteram quoque stropham Peliaei regni descriptione primae similem fecit et quasi iussit respondere, quum Hercules illic, hic Achilles heroum Troiae fatalium in urbe euerrenda partes explicet, nec cum uerbis ipsis; nam Meliboea non ad Oetam, sed sub Ossa sita est non procul a mari. Accedit quod uerbis hisce *sub Oetaeis latebrosa siluis* solam Trachina poterat indicare. nam ad Trachina in Oeta monte Hercules Philoctetae, siue in Poeas pater Philoctetae erat, arcum tradiderat. sed de Trachine satis supra uerba fecit chorus. Necessario igitur relatiuum enunciatum cum Methone iungendum, rem autem ita explicabimus, ut quum Homerus de urbis in hac Thessaliae parte sitis dicat τῶν δὲ Φιλοκτήτης ἔρχεν τόξων ἐν εἰδῶς et Methone et quas alias nominet aequae arcus illos misisse dici potuerit. Quum autem Methone ut Meliboea non sub Oetaeis siluis, sed sub Ossaeis rupibus sita sit, rescribendum erit *Ossaeis* quo adiectiuo usi sunt Vergilius Statius Lucanus Valerius Flaccus.

Iam si alteram stropham examinamus, uersus qui inter strophae primae finem atque regni Prothoi mentionem sunt interpositi, huc non pertinere uidemus. quid enim commune habent Pleuron et Troezen cum Methone et cum Prothoo? Eadem dubitatio uersibus 848—853 affertur ubi post Calydonem Aetoliae urbem, ante Bessan et Scarphen Locrorum urbes posita est Thessaliae iterum regio Titaresus quam perfundit. At ecce quam bene omnia cedunt, si commutasse locum istos uersus dicimus:

— — — — —	848	Aut fera notam Calydonae saeuae
829 Olenos tectis habitata raris	849	Quasque perfundit subiturus aequor
830 Virginis Pleuron inimica diuinae	850	Segnibus terras Titaresus undis
831 (An maris lati sinuosa Troezen)	851	Bessan et Scarphen Pylon an senilem
832 Pelion regnum Prothoi superbum		

Thessaliae hic regiones, Aetoliae illic congregantur.

Omissis igitur versibus 829 — 831 alterius strophae hoc erit initium :

Quasque perfundit subituras aequor
Segnibus terris Titaræos undis?
Pelion regnum Prothoi superbum et q. s.

Iam duas habemus strophas adonio clausas quibus Thessaliae regiones describuntur quae fortissima auxilia Achaeis miserant in Troiae urbis discidium, Hercules arcum Achillis virtutem, quaeque captiuis omnium erant proxima.

Addit tertiam stropham: sequitur Euboea insula non longe distans a locis supra descriptis quam statim excipiunt Calydnæ insulae instar omnium quotquot per Aegaeum mare dispersae sunt insularum facilem nautis aditum praebentium. Inde terrarum ordinem geographicum aliquantum relinquit poeta propter locorum naturam non absimilem Gonoessam et Enispen Calydnis intereas. quatuor epitheta (vento facilis — carens nunquam vento) propter uenti repetitionem quamquam primo conspectu displicent, tamen ueniam habent propter *Λύσπητα*. Inde ab insulis (quibus similitudine tantum loci Gonoessa et Enispe adhaerent, non uia huc ducente) ad Atticas regiones captiuarum mentem itineris memorem deflectit poeta, Eleusina Salaminaque. quibus qui praecedit uersus:

Attica pendens Peparethos ora

editores ualde vexauit, nam de Peparetho insula haec dici posse quis unquam crediderit? aut igitur errauit Seneca — et errare quidem et ille potuit qui Tro. u. 9 frigidum septena Tanais ora pandentem dicat eodemque modo nat. quaest. VI c. 7 1 Istrum cum Tanai confundat (Danubius . . . Sarmaticos impetus cohíbens et Europam Asiamaque disteminans) — aut Atticae locum quendam uoluit significare, non insulam Thraciae uicinam, quae res quamuis uideri possit scholio Sophocleo ad Philoctetae u. 565 muniri quo Atticae δῆρον ita fuisse nominatum traditur, tamen obstat quod testis alius de eo demo non adest et ei qui adest, quum Sophoclis uerba sine ulla dubitatione insulam indicent, fides est detrahenda. aut denique coniectura emendandus locus erit, cui uiri docti intemperantius indulgentes praeter participium pendens omnia uerba tentarunt. Melius quam ceteri Heinsius egit quum pro Attica Thracia scriberet, cui tamen praestabit et sententia et literis atque propter librariorum frequentem errorem *Arctica*, ita ut ex aurae asperitate quae septentrionali regioni plerumque est propria, adiuncta Chalchidi Calydnis Gonoessae Enispae etiam haec sit insula. Hanc autem insulam in catalogo Homérico quum desideremus, ex illo Philoctetae locis quibus mercatorem ex Illo Peparethon se conferentem introducit Sophocles siue ex Ouidio sumptisae comitio qui Met. VII 469 470: At non Otharos Didymaque et Tenos et Andros Et Gyaros nitidaeque serax *Peparethos* oliuae Gnosiasque iuuere rates.

Debilia sunt argumenta atque paene ridicula quibus defendere uoluerunt Eleusin nominatum quocum statim coniungitur accusatiuus *Salamina ueram*. Sed non est librariorum culpa. nam quod in omnibus legitur *Salamina ueri* ita non emendauerunt sed corruerunt corruptumque indigna poeta ratione sunt interpretati. nec de uero Alacae nec de Salamine uera ille cogitauit, sed *Salamina* nominatio est usus, quam nominis formam etiam Wesenbergius nescio quibus rationibus remouere studuit ex Ciceronis Tuscul. I 46 (ante eam

Salamina[m] ipsam Neptunus obruet, quam Salaminii tropaei memoriam¹⁾. tuetur tamen Iustinus II 7 7: *Salaminiae* insulae. XLIV 3 2: urbem aemulae antiquae patriae *Salaminam* condidisse. Veri autem non dubito quin literarum similitudine *r* et *s* decepti librarii scripserint pro *s* equi i. e. *aequi*.

Quum ultima strophæ versibus constans 854 — 863 praeter abreptum adonium (quod initio capitis diximus) sit tradita, de quibus dicatur restant quae leguntur inter u. 848 et 853. quibus sublata Titaresi descriptione 849 850 addidimus strophæ primæ u. 829 830 ubi quae nominantur urbes Oleas et Pleuron proxime ad Calydonem ponendas esse Homeri locus satis docet B 639 640: *οἱ Πλερώων' ἐνέμοντο καὶ Ὀλίαν ἥδ' Ἡνέλην Χαλκίδα τ' ἀρχαίαν Καλεδωνά τε πετρῆσσαν.*

Quas Aetoliae urbes quid obstat quominus Locrorum statim sequantur Bessa et Scarphe quas Titaresio fluvio allui inepte codices editionesque perhibent? Equidem satis multa credo. nam nemo mihi persuadebit Boeotorum terram ne verbo quidem tetigisse poetam et lacunam in hac parte adesse ipsa uerborum coniunctio docet, quum subito in accusatiuum casum deflectantur nomina urbium quae supra totam enunciationem regerent. de grammatica illa ratione taceo quam quod etiam Gronovius exemplo minime apto (Agam. 12 sq.) fulcire studet maxime dolendum est, quum ante eum non defuerint qui deesse aliquid sint suspicati. et non raro quum uerba aut uersus in alium locum errore transpositos deprehenderunt editores, etiam quae supra et infra legebantur scriptoris uerba labem traxisse constat.

Scribemus interim:

Olenos tectis habitata raris?
Virginis Pleuron inimica diuae?
Aut fera notam ad Calydonæ saeva²⁾.

— — — uocor — — — — —
— — — — —
— — — — —

Bessan et Scarphen, Pylon an senilem?
Pharin an Pisam, Iouis et coronis
Elida clarum?

Attica igitur relicta in occidentalem Graeciae partem mentem dirigunt, Aetoliam [Boeotiam Phocensem agrum] deinde Locrensiū terram. Sequitur Peloponnesi descriptio satis arcta et compressa. Ultima denique strophæ ciuitates illas primorum complectitur chorus qui Achiuos contra Troiam duxerunt.

Quinque perluastrauimus carminis partes certis finibus circumscriptas quarum 1 2 4 adonio erant finitæ qui etiam quintæ addendus uidetur. strophas autem illas uersuum numero pares fuisse licet ex prima et ultima colligere quae decem constant hendecasyllabis cum adonio. Tertiæ partis finem deesse ipsa sententia docet. nimis enim uolenter rapitur

¹⁾ Alberti Sadolini Wesenbergii Emendationes M. T. C. Tusculanorum disputationum. Viborgi 1843 1844 portus. II p. 83.

²⁾ HO. 135 Ad Trachina uocor saxu regentis.

animus a Salamine in Aetoliam. Secundae initium fieri nequit ullo modo *quasque* verbo. Lacunas autem illas tales esse facile videmus quae undecim versuum numero in unaquaque atropa coniunctorum faueat.

Restant duo versus 823 (Crete) 831 (Troezene) locis suis pulsus qui quo pertineant est incertum. Conatus tamen sum in ordinem etiam eos redigere ita quidem ut poetam maritimas ciuitates orientalis Graeciae partis enumerantem ex Attica ad Troezena indeque transiisse ad Cretenses putarem unde redux versus occidentem sitas regiones aptius poterat uisere quam si ex Athenis statim migrasset in Aetoliam:

Troades 817 — 863

Chorus.

- a 817 Quae uocat sedes habitanda captas?
Thessali montes et opaca Tempe?
An uiros tellus dare militares
- 820 Aptior Phthiae meliorque fetu
Fortis armenti lapidosa Trachin?
An maris uasti domitrix Iolcos?
- 824 Parua Gyrtone sterilisque Triæce?
825 An frequens riuus leuibus Mothone
Quae sub *Ossa*is latebrosa siluis
Misit infestos Troïae ruinis
Non semel arcus?
- b — — — — —
— — — — —
- 849 Quasque perfundit subituros aequor
850 Segnibus terras Titaresos undis?
832 Pelion regnum Prothoi superbum,
Tertius caeli gradus? hic recumbens
Montis excelsi spatiosus antro

Codicum siglis his usus sum: *E* codex Etruscus s. Florentinus (Laurentianus) — *R 10 R 11* Rehdigeranae bibliothecae SIs n. 10 et 11 — *Gg* Gothani codices quorum mihi excerpta transmisit Gustauus Richter. — *Vr* bibliothecae regiae quae Vratislauiae est codex a. 1492 (IV Q. 42) — *Bas.* Editio Basileensis s. 1550 apud Henrichum Petri cuius in margine quaedam lectiones uariae.

Chorus) deest in 10 chorus Troianorum *Vr* 816 Thessali *R 11* Thessali *Gg* oppaca *R 10* opacha *G* 819 an) aplaq; *Basil.* mg 820 phityo *R 10* phitie *G* hieie *R 11* phicie *g* 821 armentis *Vr* *Bas.* *G* oraso s *R 10 11* trahe al' trache *R 11* trache *R 10 G* *Bas.* mg trace *Vr g* 822 uasti maris *Vr* yolchas *Vr* iolcos *G* 824 cortine *R 10 11* *Vr G* g cortyne ms. Comm. trico *R 10 11* *Bas.* *Vr* tripte *g* stirce *G* 825 rutis *R 10* rusis ex riuus factum (suprscr. al' rutis) *R 11* rustis *G g* riuus *E* methone *R 10* *Vr G* *G* methoe *R 11* *Mothone E* 826 echates (suprscr. al' etheis i. thesalicis) *R 10* echatis *G* echateis *g* ethacis *R 11* oethe *Vr* tenebrosa siluis *R 11* 827 troye *Gg* 828 aretus *G*

849 perfundit *Bas.* Traiect. 2 *R 10 11* quasque ms. Comm. *Bas.* *R 10 11* citharesos *R 10* cytharesos *G* citharesos *R 11* cytharesos *g* Titaresos *Bas.* 832 pelyon *g* prothei *G* Protei *Bas.* *Vr* proth'i *R 11* correctum in *E* *R 10 g* 833 tertio *G* recumbens *R 10*

- 835 Iam truci Chiron pueri magister,
Tinnulas plectro feriente chordas.
Tunc quoque ingentes acuebat iras
Bella canendo.
- c An ferax uarii lapidis Carystos?
- 840 An premens litus maris inquieti
Semper Euripo properante Chalcis?
Quolibet uento faciles Calydnæ?
An carens nunquam Gonoessa uento
Quæque formidat Borean Enispe?
- 845 Arctica pendens Peperethos ora?
An sacris gaudens tacitis Eleusin?
Numquid Aiæcis Salamina sæui?
- 831 An maris lati sinuosa Troezen
— — — — — ?
- d 823 Urbibus centum spatiosa Crete?
— — — — —
829 Olenos tectis habitata raris?
830 Virgini Pleuron inimica diuæ?
848 Aut fera notam ad Calydonæ sæuæ
— — — — — uocor — — — — —
— — — — —
— — — — —
- 851 Bessan et Scarphen, Pylon an senilem?
Pharin an Pisam Iouis et coronis
Elida claram?

835 chiron g 836 tinulens G tinulas Vr Timulus R 10 tumulus g cordes G g 837 ingentes Vr
uerberat iras R 10 11 Bas. mg G g ms. u. Comm. (natum hoc uerbum ex glossa adscripta ad superiorem
uersum cf. Tro. 321 leui canoram uerberans plectro chelym). 838 canendo bella Vr qui hunc et u. 839
coniunctos habet.

839 fers G rari Bas. (ut in mg. uarii) caristos Vr G g caripstos R 11 840 Iatus E (in schedis
Gronouianis) 841 calchis R 10 11 G calthis g calcis Vr 842 Quolibet Vr echidne Bas. R 10 g echidne
al' echine R 11 echidne (gl Echindes) Vr echione G Calydnæ E (testatur etiam Nic. Heinsius ad Ouidii
A. u. II 81). 843 Ac Vr genoessa R 10 11 g Bas. generosa G 844 formidant g Bas. R 10 11 for-
midat E boream G Borean E enyspe R 10 g enipse Vr en yspe G etrupe R 11 Enispe E 845 Athica
R 10 Alia R 11 actica G Attica ceteri. peperethos R 10 peperetos R 11 peperethos g peperetos Vr hora G
846 In sacris G eleusin R 10 Vr G g eleusim R 11 Eleusin E 847 ayicis G g (gl. thelamonii in R 10)
solumum Vr ueri codd. 831 sumosa g lati maris Bas. troezen R 11 troezon G troezen g (quam Gothani
semper e literam seruauit pro æ et oe) 823 spacio crete R 11. crethe G g 830 Virginit codd. praeter E
pleuros R 10 11 Vr G g Pleuron E due g 848 Aut fera ms. Comm. R 10 11. An uera Bas. An fera
Vr sern G calidona R 10 11 G g Vr (gl. dnceum R 10.) seuu G 851 Bessan R 11 Bessan g scar-
phen R 11 Scharphen Vr pilon R 10 11 G pylon g an selmen g physon an elmen E (sched. Gronou.)
852 Phai (al' pharum) R 11 pharim G an ipas R 10 G au pisas R 11 an pysas g pysam Vr coro-
ronis G Elyda R 10 g.

- e Quolibet tristis miseræ procella
 855 Mittat et donet cuiusque terrae:
 Dum luem tantam Troiae atque Achiuis
 Quae tulit Sparte procul absit, absit
 Argos et saevi Pelopis Mycenae,
 Neritos parua breuior Zacyntho
 860 Et nocens saxa Ithace dolosis.
 Quod manet fatum dominusque quis te
 Aut quibus terris, Hecube, uidendam
 Ducet, in cuius moriere regno

— — — — ?

854 Quolibet Vr procella G 855 Mictat G mittet Vr cynoûq; terre g 856 lucem G g necem
 R 11 troye G g 857 Sperthio R 10 sparthe Vr g 858 micene R 10 11 Vr G g 859 iacintho R 10
 incinto R 11 ischinto g accinto G 860 ythace R 10 hytace G itache R 11 ithache g 862 hecuba
 GE (sched. Gronou.) 863 Ducet cuius Vr.

Quum operam meam impenderem huic carmini, ut arte quadam Senecam cantica tra-
 goediarum composuisse ostenderem, res aliter uidetur cessasse; nam quae artem prodant
 perpauca sunt. uerum etiam pauca illa quae laudem qualemcunque merentur detrahenda
 auctori esse Euripidis fabula eodem nomine inscripta docet in qua Troades haec canunt
 u. 187—190:

ἰὼ ἰὼ
 τίς μ' Ἀργεῖον ἢ Φθιωτῶν
 ἢ νησαίαν μ' ἄξει χώραν
 δίστανον πόρῳ Τροίας;

Nonne easdem fere partes Seneca adhibuit qui Thessaliae regiones prima et altera stropba
 est complexus, insulas et maritimas ciuitates tercia, quarta Peloponnesiacas? Quinta autem
 quod abhorrentes describit mulieres a Sparta Mycenis Ithaca, praeciuit hac quoque in re
 Euripides u. 212—215:

μὴ γὰρ δὴ δῖον γ' Εὐρώτα
 εἶν' ἐχθίσταν θεράπῃαν Ἑλένας,
 ἐνθ' ἀνιάσω Μενέλαο δούλῳ,
 ἐπὶ τὰς Τροίας πορθητῶ.

In describendis autem istis regionibus quae captiuis placeant prae Sparte (u. 208
 Πειρήνη . . . Θησῶς χώρα 216 Περσέων χώρα 222 Αἰγυπῶν χώρα 225 ? (Ἰονίῳ γὰρ τα
 πόνιφ) 226 αἰ ἐγγράνῃ δ Κρήτης), quantum praestet graecus poeta romano uix est quod
 dicamus. Quodsi poetam ex Euripide sententias et regionum descripturarum diuisionem, ex
 Homero urbium et locorum nomina et epitheta praedatum esse non negari possit, id tamen
 ex eis quae diximus concessum iri putamus non ita ratione priuatum confusum et logicis
 et grammaticis legibus solutum. omni denique externo decore destitutum ex auctoris
 fabrica hoc carmen prodidisse, ut libris antiquis est seruatum.

Comparisonem eam cum graecis poetis quia proficere posse his tragoediis illustrandis didicimus, etiam emendationi inde aliquid lucri posse afferrī alio exemplo ostendam Homero et Euripidi Sophoclem socium adiungens. quos infra, ubi de carminibus quae in Agamemnone leguntur dicam. excipiet Aeschylus. Legitur Oedipi u. 768 sqq.:

Redit memoria tenne per nestigium
 cecidisse nostri stipitis pulsu obuim
 Datumque Diti, cum prior iuuenem senex
Curru superbus pelleret Thebis procul,
 Phocaea tritidas regio qua scindit nias.

curru quod legitur u. 771 neque cum *superbus* neque cum *pelleret* recte coniungitur. non enim per se stare potest *pellere* et *curru pelleret* idem esset quod *ex curru expelleret*. (ceterum similis uersus est HO. 1974: curru superbum uecta transcendens caput). Totam descriptionem auctor ex Sophocle uertit u. 805 sqq (cf. etiam Eurip. Phoen. u. 42):

ἔριπλῆς
 οὔτ' ἦν κελύθειοι τῆς δ' ὀδοιπορῶν πέλας
 ἐνταῦθά μοι κῆρύξ τε καὶ πωλικὴς
 ἀνὴρ ἀπῆλθης ἐμβαθὺς οἶον σὶ φῆς,
 συνηγνίσσον καὶξ ὁδοῦ μ' ὅθ' ἤγγεμόν
 αὐτὸς δ' ὁ πρόσθεν πρὸς βίαν ἤλανεύετ' ἔν,
 καὶ γὰρ τὸν ἐκτρέποντα, τὸν τροχὸν ἑλάνε
 παῖς δ' ὄργῃς.

legendum est igitur *curru superbus pelleret*.

c) Oedipi canticum u. 110—158. quatuor eius sunt partes finitae praeter ultimam adoniis, rebus praeterea ita dispositis ut quaeque pars unam absolutamque efficiat sententiam (1 questus de indigna Thebanorum morte 2 descriptio stragis 3 prima pestis initia 4 furor morbi summus cuius descriptio anapaestis continuatur u. 159 sqq.) Versuum numeros qui sunt in editionibus hos habes: 13 ad. 8 ad. 11 ad. 9.

Post u. 123

Promit hic ortus aperitque lucem
 Phoebus et flamma propiore nudos
Inficit Indos

in ms. aliquot Palatinis sequi testatur Commelinus: *igne vicino* uel *igne furioso*, illud (i. vicino) extat in Rehdigeranis 10 et 11. nihil adnotavi ex recentissimo Vratislaniensi, deest etiam utrumque in editione Basileensi. Non equidem nego ualde placere tam breuiter dictum illud quod sequitur u. 124: *Stirpis inuictae genus interimus*, at uix puto poetam moria sui oblitum abstinuisse uerbo quod his *stirpis inuictae* opponeretur. Igitur ut inuictum laboribus innumeris Herculem querentem inducit in Oeia, quod Nessoe sanguine furtim viscera urente dometur, ita hic quoque Bacchi milites inuictos proclis furioso igne, peste medullam imam torrente, nunc poeta non indicasse tantum sed pronunciasse uidetur. Utrum in E legatur nescio, sed ex eius praestantia colligo eum furioso praebere, quod qui Palatini tradunt sine dubio ii sunt quos bigae Palatinae nomine saepe et iure laudat Gru-

terus. Verum si haec uerba retinemus simul uerba quaedam omitta esse uidemus quae cum iis hendecasyllabum effecerunt, quo facto quia ad superiora pertinere uisa sunt *i. furtiuo*, pro furtiuo ponebatur a librariis *uicino*. Senecae illud esse atque iniuria hinc sublato monet etiam Hipp. u. 280: Labitur totas furor in medullas *Igne furtiuo* (sc. Amoris) populante uenas.

Tres priores strophas cum adonius claudat, desideratur in fine quartae. Sed e Vergilii uersibus Georg. III 544 sq.

Interit et curuis frustra defensa latebris
Vipera et attoniti squamis adstantibus hydi.

probabiliter confici potest etiam huic strophae uersum addendum esse.

Exaequatas ita uidemus facili opera alteram stropham et quartam ut nouenis constent cum adonio uersibus. Similiter autem primam tertiamque uersuum numero pares fuisse et quasi inter se respondisse arbitror. Quas enim difficultates in tertia reperit Gronouius dubito num recte iis consulatur eo, ut si ad *patuit sub ictu* intelligamus ex eius sententia atque *nec cruor* scribamus. Scimus autem quem imitatus sit Seneca in peste describenda: est enim Vergilius in Georgicon I. III cuius libri uersus 486—88 492 et 93 quum hac strophā expressisse poetam nemo possit non concedere, conicere licet etiam qui medii inter hos sunt uersus 489—91 accuratius atque clarius fuisse redditos quam fit his uerbis: *patuit sub ictu Ponderis uasti resoluta cernix*. Itaque haec uidentur sic scribenda:

Labitur segnis	~	~	~	~	-	-
-	~	~	~	~	~	-
-	~	~	~	~	~	-

patuit sub ictu et q. s.

Ceterum hoc quoque in carmine non unum Vergilium habuit ante oculos, sed etiam Ouidium Vergilii et Lucretii (uid. VI 1136 sq.) sectatorem Met. VII 523—613. quod u. 536 docet:

Strage canum prima uolucrumque ouiumque bouumque
Inque feris subiti deprensa potentia morbi.

Talis igitur nascitur carminis forma: 14 16 14 10. sequuntur uero anapaesti.

III.

Glyconeorum duo apud Senecam sunt genera Horatiana forma, ut in basin solum spondeum admitteret, usus est in his: Med. 75—92 Hf. 875—894 Thy. 336—403 HO. 1031—1130. de quibus paucis agendum. Pherecrateus quo abstinuit fere poeta duobus tantum extat exemplis HO. 1060 et 1080. quorum alterum B. Schmidius retinuit, alter „quando parum apte in media sententia conlocatus est uix dubitari potest quin ex integro glyconeo corruptus sit.“ quare cum Bentleio (ad Horatii c. I 15 15) legit: Orpheus

carmina *diuidens*, unde altera *d* (*cl*) litterae parte (*c*) propter litteram *a* quae antecedit absumpta altera (*f*) lineola transversa in *f* mutata nata est codd. lectio *fundens* quam sic corrigere uoluit Gronovius: *funditans*. Etiam pherecrateum qui est u. 1060 *tunc oblita ueneni* editionis principis auctor mutare studuit: tunc oblita *malī sui*, sed ut carminum sapphiceorum pars prior clauditur interdum adonio, ita hoc loco sententiae priori finis est impositus pherecrateo. uidetur etiam locum ueri Siliī III u. 301 a Badenio comparatus: ad quorum cantus *serpens oblita ueneni*.

Notanda sunt in hoc metro quae earundem uocalium consonantium syllabarum uocum denique repetitione et concursu effecta sunt aurium blandimenta quae non studio et consilio quaesita a tragico sed metri naturae imputanda dixerim. Ita Med. 82 83 *adspici — duci* 86 *nec non* 90 *sic sic* 88 *cedet* Castore cum suo Pollux caestibus aptior 91 92 *uincat . . uir . . uiros*. Hf. 871 *maribus nurus* 1048 *scopulos Athos Centauros obiter ferens* 1126 27 *Tartara . . tria* 1104—7 *Australis polus obruet . . incol . . tenet*. Arctous *polus obruet*. Thy. 388 89 *Rex est qui metuit nihil, Rex est qui cupiet nihil* 402 3 *qui notus nimis omnibus ignotus* — 391 nullis nota. aliaque permulta.

Alterum glyconeorum genus est id quo quartum Oedipi actum finiuit Seneca u. 882—914. sunt autem XXXIII uersus ex basi trochaica incipientes quorum XX contractum habent dactylum. incipio in omnibus facta ante iambum ultimum, in XXI uersibus etiam post arsin secundam. Qui hos uersus dimetros troch. catal. dicit Grotefendius eo refutatur quod in secunda sede nunquam nec trochaeus nec dactylus reperitur. trochaica basis quum eo tempore ex glyconicis prorsus esset exclusa quam prioris seculi poetae saepius sibi indulerunt, ter decies Catullus c. XXXIII, consilio et ratione illum pedem admississe poeta uidetur ut metrum fingeret et cum glyconicis et cum trochaicis aequè cognatum. Atque ut de hac ratione certiores fieremus Boetius facit tragici imitator, qui quum semper fere spon-diacam redderet basin, per totum carmen tertium quarti libri adhibuit trochaeum¹⁾. et simili

¹⁾ nam iste etiam u. 39 est reponendus, ubi *uulnere* in textu retinuit Obbarius, quamquam non improbat p. 151 quod est in editione Colon. a. 1589 margine probatum id a Vallino *ulcere*. Neque eum carminis legem in hoc aersu graece uertendo neglexit Planudes. — Similem Boetius hybridam fluxit IV c. 2 ubi *X* pherecrateorum basin quinquies anapaesticam redderet, ut ionicorum prodirent similes, et III 6 ubi in VIII pherecrateis quater anapaestum admitteret. sunt quidem etiam in aliis carminibus tales pherecratei, sed suscipiendi illi. nam II 4, 8 „*bibulas* uiet *arenas*“ (Planudes: *ψάβδον τ' εὐρεψίλων*) contra Weberum frustra defendit Obbarius hac glossa: „bibulas. siccas. densas.“ et II 2 14 „Sed quæsitæ aorans sæuæ rapacitas *Altos* pandit hiatus“ quum artificiosior sit Obbarii sententia (alios i. e. non *uulgares*) cum aliquot codd. et edd. legendum erit *altos*. et II 2, 18 „*Sitta* ardescit habendi“ ex loci sententia scribendum potius erat *sitti*, nam *cupido* dicitur largis fluens muneribus, non sitis, et *cupido* etiam magis incenditur habendi studio. uerum ne *siti* quidem propter iambicam quae prodiret basin ferendum est. — Ceterum tacere non possum quae ab Obbario p. 158 159 de Boetianis metris sunt adiecta et ut prelarum mendis esse referta et falsae de re ipsa opinionibus plenissima, ut eorum fides nulla esse possit. — In transitu Boetii sapphicos licet tangere qui Senecaeus legibus respondent præter II 3 10 errore ut uidetur typographi corruptum (legendum autem *mare*, non *marf*) et II 6 15 ubi pro *uertere prauī* uelim „*Vertere inuī*“ (s. in-sui) rabiem *Neronis*“ coll. III 4 4: inuisus tamen omnibus uigebat *Luxurie Neri* sœuentis. De sapphicorum hemistichii copulatis cum adoniis III 5 infra erit agendum. In glyconeis II 3 16 ualde dubito nam recte posita sit iambica basis *bonis* ideoque malim cum cod. Helmsl. quocum concinit Leyser, sic scribi: *clonis* crede fugacibus.

in re praeiit Catullus qui in carmine LIII ad Camerium scripto in XXXII hendecasyllabis pro dactylo posuit spondem quinque decies, qua re in ceteris carminibus prorsus abstinuit. atque etiam basin trochaicum per totum fere carmen exceptis XIII versibus adhibitam ostendere poterat Catullanum c. LXI constans CCXXXV versibus.

Qui corrigendus erat huius carminis u. 908: *comes* audacis uine, egregie illum corripit L. Mueller¹⁾ p. 167, quum scriberet *compos* a. u. In u. 904 *fugit* non praesentis est temporis sed perfecti.

Bothius binos uersus in unum coniunxit. Non recte, quamquam in codicibus ita scriptum est carmen, ut in Rehdigerano 11 (semel igitur tres uersus in una linea coniuncti sunt: Vincere — Imperat — Nomen —) Verum is liber quem librarius descripsit non ita scriptos habebat uersus. Nam in Rh. 11 legitur:

Sed quid hic postes sonat *Mestus* et famulus manu
Regios quassans caput. Ede quid portes noui

Quem in errorem non poterat ille incidere nisi singulos in lineis uersus scriptos inueniebat ita:

Regios famulus manu
Moestus et quassans caput
Ede quid portes noui

Errorum autem istum recepit Rh. 10 in quo haec:

Mestus et famulus manu
Regios quassans caput

Eodem modo Ag. 759 sqq. iambici uersus et Hf. 875 sqq. glyconei in Rehdigerano 11 scripti sunt.

Priusquam de asclepiadeis dico, de H0. carminis 1031 sqq. duobus locis sententiam meam exponam. in uersu enim 1066 in Etrusco *ridit* non *monit* legitur. scribe *uicit*, eodem uerbo Hf. 382 utitur: Tandem mortis, ait (Pluto), *uicemur* arbiter (sc. ab Orpheo). Difficilior alter locus. Quinque partibus totum carmen continetur: praemissis quinque uersibus 1031 qui sunt de Orphei dicto „aeternum fieri nihil“ 1. Orphei ars describitur 1036 2. Tartara quae cantu uicit 1061 3. Reditus 1079 4. Quae post reditum cecinerit Getis leges in superos datas 1093 5. Denique quae mundi ruinam secutura sint chorus deliberat 1118, tribus ultimis uersibus ad Herculem chorus se conuerit 1128—1130²⁾.

¹⁾ Cetera quae ad Senecam emendandum contulit ille in libro suo de re metrica et in museo Rhensio uita sunt et leuissima. tragœdiis autem hisce quantum impenderit operae et studii satia e iudiciis de codicibus editoribusque prolatis intelligas. mediocria enim Bothii, Badii (Torkilli Badinii?) nulla dicunt merita qui quantum superet Bothium iudicii sobrietate atque diligentia non est quod multis demonstremus. *Thuanæas* quae commemorat membranas quae ueniunt adhuc criticorum non fugerunt.

²⁾ V. 1094—1096 quamquam Rutgersius dudum illic deletos in suum locum transtulit post u. 1109 „Et ficus Boreas ferit.“ Bothius tamen multum sua coniectura uti (*Ex* quo tempora, pro: Et qui t.), *Badensis*, ut solebat, defendere locum. uterque frustra.

Tertia pars ita incipit:

Sed cum linqueret inferos
 1080 Orpheus carmina diuidens,
 Et uinci lapis improbus
 Et uatem potuit sequi.
 Consumptas iterum Deae
 Supplent Euridices colos.

Quisnam iste lapis improbus? De Eurydice tantum agitur, quam ut repeteret Orpheus adiit manes. Et en redeunti sequitur lapis! nam ad *potuit sequi* Eurydicen quominus intelligas, obstant grammaticae leges; neque si id posset fieri, lapis qui Tartara claudit (cf. 1771 pulsare Taenareas fores) posset intelligi. Deleto utroque uersu probum habebis enunciatum:

Sed cum linqueret inferos
 1080 Orpheus carmina diuidens,
 1083 Consumptas iterum deae
 Supplent Euridices colos.

Non autem singula quaeque accurate narrantur, sed ea tantum quae sunt grauissima breuiter indicantur ut in re notissima. Itaque post *supplent colos* non opus erat addi: *et uatem potuit sequi*; sed statim poterat narrari: Sed dum respicit et q. s.

Versus autem illi unde huc sint traieci inuenisse puto. Gronouius ad Medaeae u. 746 adnotauit haec: „Semper fere in his tragoediis coniunguntur hae poenae, Ixionis Tantalus Tityi Sisyphi Danaidum.“ at non recte quatuor illis qui semper fere nominantur coniuncti (Hf. 755 Thy. 9 ubi loquitur Tantalus, Phaed. 1230 Ag. 15 HO. 946), nisi forte unus tantum ex illis nominandus erat ut Tityos Hf. 977, addidit Danaides quippe quae non nisi HO. 946 sq. et una cum Cadmeidibus Phineisque Hf. 755 sq. subiciuntur Ixioni Tantalos Tityo Sisypho — Ille igitur Tityi nomen desiderans in Medaeae uersu qui talis est in *E: Grauiorum* poena sedeat coniugis socero mei (uulgares codd. *Grauior* poena etc.) inculcare studuit ita: Grauior Tityi (titii = um siue uni), ualde aberrans a recto, quum ne uocem quidem quae est grauior recte esset interpretatus. mihi grauiorem poenam quam qua illi laborant Medea imprecari uidetur Creonti: Creontem. ut ait Farnabius, maneant poena longe grauior Tantalus supplicio. Tityi autem poena illi loco non est apta. Scribendum erit ex Etrusci uestigiis *Grauior ueneris* poena s. c. s. m. quod quum non nisi in onus Sisypho impositum quadret (quamquam in omnes qui recensentur labores sententia poterat transferri), hunc uersum post u. 747 collocandum duxi in quo Sisyphi fit mentio. Inest igitur adhortatio optandi modo pronunciata eisque quibus excitare manes studuit et Danaides non solum accommodata sed etiam postulata. Ceterum non interruptam fuisse a poeta Tantalus mentionem Danaidumque sententia quae efficeretur uoce *uoluit* aliena, docere poterat uox *quoque* u. 748¹⁾. [De uerbis ipsis conferendus est Thy. 7: *Sisyphi*

¹⁾ Quis unquam dixit Sisyphum *uoluit*? Onicius Med. III 459: „Aut petis aut argues roitorum, Sisyphus, saxum. Voluitur Ixion.“ Idem Met. X 41 sq., quem locum expressit Seneca et in Medea et in Hercule altero:

numquid *lapis Gestandus umeris lubricus nostris* uenit? HO. 1242: his mundus umeris sedit?

Verum quamquam hoc loco quartum illum non addi posse arbitror: ubi inferorum sedes plenius describere instituit Seneca sine dubio desiderabitur aliquid, si non solita ratione notissimas illas poenas persecutum poetam uiderimus. atque ita res se habet in hoc carmine ubi u. 1067 sequuntur haec:

Haesit non stabilis rota (Ixionis)
Victo languida turbine.
1070 Increuit Tityi iecur,
Dum cantus uolucres tenet.

Et cymba sponte sua sequitur¹⁾ et Tantalus sitim excussit famemque. Sisyphi lapis est omissus siue potius infra irrupit in ditionem non suam, reponendi igitur u. 1081 82 cum unius uersus lacuna post Tityum u. 1071:

1070 Increuit Tityi iecur
71 Dum cantus uolucres tenet.
81 Et uinci lapis improbus
— — — — —
82 Et uatem potuit sequi.
72 Audito quoque *carmine* et q. s.

nam sequi potuit non *lāa*; iste *ἀναδής*, sed Sisyphus. Tartari autem descriptio ter septenis uersibus quum perfecta sit, aliae quoque partes aequabilitatem quandam atque numerorum legem ostendunt, ut schema carminis tale sit:

5		435	445		777		453		65356		334		3
		A			B		C		D		E		

Nec Tantalus undam
Captauit refugam: stupuitque Ixionis orbis:
Nec carpere iecur uolucres: urnisque uacant
Belides: inque tuo sedisti, Sisyphoe, saxo.

quare uice uerum quod rescripsit Grononius *soluit*.

¹⁾ *ratia* sine dubio est primus casus, *nanita* sextus. Clericii emendationem: *aurito* quoque nauita i. e. auscultante, uereor ne Badenius cautissimus alias homo praepropere receperit. Iacobus Grononius in schedis: *audita nocte (!)* nauita. Nisi nauita ipso officii obliuio opus esset, fortasse hic ut u. 1046 (*auditis . . cantibus*) posset scribi *audito quoque carmine*. *nablio* pro *nauita* Bothius excogitauit.

III.

Asclepiadeis dodecasyllabis in his usus est poeta:

Phaed. 753—760 764—823

Hf. 524—591

Tro. 374—411

Thy. 122—175

Med. 56—74 93—109

HO. 104—173.

basis constanter est spondiaca, incisio in fine prioris choriambi, ut apud Horatium, quem etiam in continuandis his uersibus sequitur (Hor. I 1 III 30 III S).

Breuculus praeterea extat uersus Tro. 404: *quæ non nata iacent*, de quo recte iudicauit Ascensius: „Quæris quo iaceas post obitum loco? Respondet: Eo quo non nata iacent, id est nusquam, quæ sententia quum sit grauissima et firmissimum habere uideatur argumentum ad animæ extinctionem probandam poeta data opera hemistichio clausit.“ Verum etiam grauissima sententia auctoritas¹⁾ non excusabit poetæ licentiam si Andromachæ uerbis in Euripidis Troad. 636 adductus erat ad eam his:

τὸ μὴ γινέσθαι τῷ θανάτῳ ἴσον λέγω,
τοῦ ᾧ δὲ λυτρώσῃς χρηστὸν ἔστι καὶ θανόν.

Veniam tum demum habebit, si ex scriptoris ipsa mente et animo perturbato fortunæ uicibus prodixit eam dicemus. Quis autem frequentius hanc sententiam et quæ ei sunt cognatæ exposuit quam L. Annaeus Seneca philosophus? Cuius uerba quæ in Consolationis ad Marciam c. XIX²⁾ leguntur cum tragici sententiis conuenientia, etiam si aliis testimonis essemus destituti, satis testantur philosophum etiam tragœdiarum esse auctorem (hac illaue sano exceptis — nam de Hercule altero neque ego dubito neque G. Richter quin alii auctori atque ceteræ sit tribuenda).

Quum in tanto carminum numero omnes uersus quotquot fecit poeta probi sint respondenteque Horatianis legibus, falsi arguuntur qui leguntur in Oedipi carminibus tales:

¹⁾ ut ex nostrationum carminibus simile exemplum repetam: Victor Iosephus Scheffelinus in eo carmine quod inscripsit *tubicen Saackingenis*, quum dimetris trochaicis ineptissimis scilicet uersibus rem persequeretur, unum uersum imperfectum reliquit hunc: „Und sie küßten sich.“

²⁾ Dial. VI ad Marciam de consolatione XIX 4 et 5: Cogito pulvis defunctum malis addici, illa quæ nobis inferos faciunt terribiles, seculum esse, nullo imminere mortis tebras nec carcerem nec flumina igne flagrantia nec obliuionis amnem nec tribunalia et reos et in illa libertate tam laxa illos iterum tyrannos. *hæc erant ista poetæ et uanis nos agitauerunt terribibus.* 5 Mors dolorum omnium exsolutio est et finis, ultra quem mala nostra non exeunt, quæ nos in illam tranquillitatem, in qua integram uinceremur iacimus reponit. Si mortuorum aliquis miseretur, et non natum miseretur. Mors nec bonum nec malum est, id enim potest aut bonum aut malum esse, quod aliquid est, quod uero ipsum nihil est et omnia in nihilum redigit, nulli nos fortunæ tradit, mala enim bonaque circa aliquam uersantur materiam, non potest id fortuna tenere, quod natura dimisit, nec potest miser esse qui nullus est.

Quae tibi nobiles Thebae, Bacche, tuae (Oed. 406)
 Ut primum magni natus Agenoris (Oed. 715)¹⁾
 Sub nostrae ramis constitit arboris Oed. 717

(sed legitur in *E* nostra pauidus c. arbore). hunc uero probabimus:

Effugium et miseros libera mors uocet (Ag. 589)

Stropham quoque *asclepiadeis* constantem apud Senecam deprehendimus in quarto Phaedrae carmine quo fortunae instabilitatem canit chorus Hippolyti interitum deplorans. X ibi monometros anapaesticos quibus generatim et uniuerse explanatur sententia sequuntur haec²⁾:

Admota aetheriis culmina sedibus
 Euros excipiunt. excipiunt Notos.
 1130 Insani Borcae minas
 Imbriferumque Corum.

His autem uersibus ad altos montes uentis expositos transfertur sententia. de montibusque fulminis ictu percussis anapaesticis qui sequuntur XV agit poeta a Ioue statim fulminante ad res humanas plebeiamque domum rediens. Quibuscum comparanda sunt quae dicit Octaviae auctor u. 895 sqq. „Bene paupertas Humili tecto Contenta latet. Quantiunt altos Saepe procellae Aut euerit Fortuna domos.“ Iam sequitur uersus non anapaesticus sed choriambicus:

Circa regna tonat.

quem Grotium aegre ferimus in anapaesticum dimetrum mutasse — legit enim: „Circa reges et regna tonat. Volat“ et q. s. adductus ut nideatur Oedipi u. 523 Regi atque regno. Med. 863 Regnum simulque reges (cf. Bothium) — sed non quod defendere uelimus illo Troadum hemistichio u. 334, nam tota res alia est: immo hoc non pertinere uersum mihi est certissimum. Quid enim sibi hoc loco uelit tonitru positum inter sententias haec „non

¹⁾ Quamquam sapphicos glyconeos asclepiadeus continuauit Seneca, *alcaicum* tamen uersum carminibus suis non eodem modo adhibuit. quod Claudianum in Fescenninorum primo fecisse uidemus et Alanum doctorem Parisiensem (Meyeri anth. n. 396). Sed immixtum inuenimus aliquoties choricis illis Ag. et Oed. quae infra currobimus. Ubi quum Oedipi uersum 715 sequatur alcaicus 716 (Fessus et q. s.) et iste uersus non asclepiadeus erit habendus quod ne accentes quidem permittere uidentur rationes. sed potius alcaicus facili opera enucudandus sic: Ut *primus ingens* natus Agenoris Rectis numeris leguntur Oedipi u. 716 (Fessus —) 723 (Inaspicata —) Agameunonius 810 (Pressus —) 852 (Arboreque —) 609 (Par —). sed poterat horum numerus nageri rectius distributis uersibus ut Ag. 839 40 duxitque ad ortus Hesperium pecus, quem alcaicum esse ostendit qui subicitur uersus: Geryonae spoliū triformis. cf. 597 (Victoris —) et qui sequuntur 598 599. Frequentia sunt alcaicorum hemistichia priora maxime ut Ag. 854 Fugitque in auras. Sed de eis infra disputabitur.

²⁾ Glyconeus et hephthemimeris choriambica eodem uersu contuentur in Rehd. 11. *excipiunt* semel in uulgatibus mss. et edd. (ut in Basil.) bis in Melisso uno Palatino (Commelino et Grutero testibus) Mogantino Vossiano. — Turbata quaedam esse et ante et post hanc stropham codices docent. u. 1127] Rehd. 10: Praebetque *senex* (lineola transversa x deleta et supra scr. s.) Rehd. 11: Praebetque *senex* et ita E Voss. Hug. duo Germanici u Gronouio inspecti. In ed. Basil. et cod. Vratisl: *Praebet somnos*. u. 1132] Rehd. 10 11 Vratisl: *Haros* (Haru R 11) patitur fulminis ictus | Humida uallis. In ed. Basil. ultima uerba superiori uersui adhaerent: Imbriferumque Chorū: humida uallis | Ilaros patitur fulminis ictus.

capit unquam *magnum motus* humilis tecti plebeia domus“ et „Volat ambiguis *mobilis alis* hora“ idque ab ea carminis parte ubi de Iouis fulmine agebatur remotum non intelligo. Rectius cum uno Palatino Gruteri altius versiculum illum collocabimus sic: „Metuens caelo Iuppiter alto Vicina petit: Circa regna tonat“ inde de fortuna agens ad Theseae domus sortem convertit auditorum mentes. Sed quum non putandus sit Seneca versiculo isto clausisse sententiam — nam is sane regnorum non breuem inieciisset mentionem, sed rem suo more pluribus executus esset verbis — fragmentum esse strophae asclepiadeae censeo respondentis ei quae supra interposita erat ¹).

Quominus praeter hanc strophae particulam tertiam Phaedrae versibus 781—84 extare credamus, quam sententiam tacite secuti sunt editores, aperte professus est Freesius in libro de re metrica p. 413, obstant perquam multa. Libri impressi:

781 Formosos solitae claudere fontibus:
Et somnis facient insidias tuis
Lascivae nemorum deae
Montiuaque Panes.

Et primum quidem strophae quatuor versuum esse non potest, quia cohaerent u. 780 et 781 neque etiam uero est simile poetam particulam extremam partis eius quae a u. 777 usque ad u. 784 legitur, non insignem illam noua sententia sed quae eandem rem non diuersa ratione persequatur. uoluisset numeris distinguere. Qui autem putat factum esse hoc loco quod in altera carminis parte quae est ex sapphicis u. 741—752 instituerit tragicus, ut breuiore uersiculo finis constaret sententiae, non uidet adonium ualde differre a glyconeo cum choriambico qui sequitur uersu nec simile quidquam posse e poetis latinis graecisque afferri ²). Accedit ut qui stropham illam effecerunt nec sententiae nec codicum habuerint rationem. Quid enim de Panibus timendum Hippolyto? immo de nymphis procacibus qualem Salmacin expressit Ouidius Met. III 315—328 sqq. intelligenda sunt chori uerba quarum ut lasciviae signum adderet poeta adiunxit haec: *Panes quos Dryades petunt* quae quamquam sunt omnibus codd. tradita atque plenum asclepiadeum efficiunt, aut deleuerunt editores aut cum Gronouio absurde mutauerunt ita: *Panes quos Dryades montiuaque petunt* Verum appingam quae legi in Rehdigeranis 16 et 11:

Cinget turba licens (licens, al' licens 11).
Naiades improbe formosos solite (Nayades 11)
Claudere fontibus
Et somnis facient insidias tuis
5 Lascivae nemorum deae
6 — — — — —
Montiuaque panes.
8 Panes quae driades montiuaque petunt.

¹) Prorsus deleuit haec uerba N (est autem Fabricius Chemnitzensis) editor Lipsiensis a MDLXVI. — De sententia uid. Seneca ep. II 7 9 [19]: dictum Maecenatis . . . „ipsa enim altitudo attonat summa.“

²) Si poeta ut sapphicis adonio glyconeos pherecrateo ita etiam asclepiadeos uoluisset breuiore uersiculo finiri, non data erat optio sed adhibendus erat unus glyconeus quem asclepiadeis subicit Floratius in eo metro cui tertio asclepiadeo est nomen.

Post quintum uersum uacuum unius uersus spatium in cod. 10. sed in 11 statim sequuntur eodem uersu comprehensa u. 7 et 8 et *Panas* quidem magno initiali picto unde in archetypo duos fuisse uersus intelligitur. u. 7 omissus in *E* (qui in ceteris consentit cum nostris. codd.) prorsus ut uoluit Lipsius, et Moguntino Delrii. itaque legendum uersu 783 maneo:

Lascinae nemorum - ~ ~ ~ deae
 Panas quae Dryades montiuagos petunt.

V.

I Iambicorum *dimetros acatalectos* — Ag. 759—74 (Cassandreae sunt, actus tertii f.) satis est nominasse, quoniam ab aliorum poetarum non ualde differant. Nam in XVI uersibus thesis brevis in sede prima sexies, dactylus in eadem sede semel (764), thesis brevis tertiae sedis semel (764). caesura autem post primum iambum ter facta, nunquam post secundum; post secundi thesin ter decies, post tertii thesin septies, post arsin nouies. Bothium binos uersus in tetrametros non iure congregasse supra indicauimus¹).

II *Trimetro* subicitur *dimeter acatal.* Med. 771—786. qui in tertia dimetri sede esse uidetur anapaestus u. 778 Herculeum pronunciando in spondeum mutandus est. qui enim Martialis I 49 u. 42 eodem modo dicitur conformatus esse: Cum fama quod *satist* est habet, in eo *satist* legendum. Est autem dactylus in tertia trimetri u. 785 arae tripodas et 777 isto cinere, in prima 783 his adice. anapaestus in prima 785 sonuistis. Tertia autem trimetri. quinta dimetri sedes nunquam non habent spondeum.

III Idem ille fecit Hephaestionis auctoritate usus et cum Vratislauensi aliisque codd. (non Rehd. 10 11) consentiens in dimetris catalecticis siue *Anacreonticis* uersibus Med. 849—878. sunt autem XXX uersus, a quorum prima sede iambus, tertia spondeus est exclusus. Caesura autem post primam arsin decies nouies (u. 868 synaloephe), decies post secundae sedis thesin atque praecipue in posteriore carminis parte. Spondiaca basis longe frequentior quam anapaestica, quae quater tantum idque in duobus ab initio partibus apparet.

Nam partes siue periodi septem sunt carminis quaternis quiniue uersibus compositae, quarum secunda media ultima. si codicibus fides habenda, non anacreontico sed dimetro brachycatalecto (quod metrum Euripidium appellat Sernius) sunt clausae:

¹) quamquam Rehdigerani 10 11 et editio Basileensis tetrametros habent imbricos neque codices illi dimetros in uno linea copulatos literis maioribus atque fluo colore pictis distinguunt.

- 857 quis credat exulem?
 865 Gangeticum nemus.
 878 Dux noctis Hesperus.

Ita enim Rehdig. 10 11 Vratisl. alii (ad u. 865 „vocula *sic* exulat aliquot Pall.“ Gruterus).

Hoc autem graecis legibus auribusque congruum esse non contenderim. graeca certe exempla desideramus. sed etiam latina¹⁾, quare excusandus Delrius qui sic: „Hesperus quod Bernardino placuit uersum facit claudicare.“ Sed diu ante Leodicensem monachum quod Bernardini aetas ostendit. emendare sunt conati quae mendosa uidebantur atque ea iam recepta leguntur in Basileensi editione a. MDL (857 exulantem 865 nemus sic) praeter u. 878 (Hesperugo). Quae non opus erit refutare, quum praeter *sic* uoculam quae u. 865 conspurcarunt (Gruterus autem *si* scripsit) sententiam ipsam intactam relinquant. Haec autem uocula addita quae nihil inter se commune habent coniunguntur. non enim dicturus erat poeta: „Ut tigris cursu furente nemus lustrat, sic Medea iras frenare nescit,“ sed potius „Huc fert pedes et illic ut tigris.“ Haec igitur unam sententiam efficiunt atque una periodo complexus est poeta: Huc fert — nemus; sequitur alia periodus: Frenare — sequetur. atque periodos istas satis distinctas et separatas uidemus. quarum haec est imago:

$$\begin{array}{ccc} \underbrace{4\ 5.}_{\text{A}} & \underbrace{4\ 4\ 4}_{\text{B}} & \underbrace{4\ 5.}_{\text{C}} \end{array}$$

tres sunt maiores partes quarum prima et tertia breuiore uersiculo finiuntur qui etiam alterius partis Medeam iratam describentis mediam periodum finit.

VI.

Breuiter tantum indicabo cetera quae in his tragoediis inueniuntur metrorum genera:

I *Trochaici tetrametri* (de quibus uid. B. Schmidii diss. p. 57 et quae dixit in M. Rh. 1862 p. 596 adn.) Phaedr. 1202—12 (Thesei) Oed. 222—32 (Creontis) Med. 740—51 (Medeae). Imparibus sedibus solus tribrachus praeter trochaeum (nam Med. 743 *supplicis* tribus syllabis pronuntiandum). Thesei carmen a Medeae et Creontis in eo discedit ut a prima sede exclusus sit tribrachus qui tertio et quinto loco est frequentior (tertio bis,

¹⁾ praeter Luxorii carmen obscurum atque corruptum ap. Meyer Auth. n. 309: *Baro decens capilla roseo-que crine ephelus Spado regius (?) mitellam Capitis uelo capit.* Quatuor autem qui hunc strophum sequuntur anacreontici pleni sunt.

quinto quater), quum illis ibi desit praeter Oed. 228 (tribrachus in prima sede semel in Oedipo, ter in Medea). Paribus locis anapaestus quater (ter secundo, uid. Med u. 746 supra emendatum a me, quarto semel), dactylus bis secundo, sexto sexies, deest quarto. trochaeum septies in secunda et quarta sede usurpatum (in quarta ter) non admisit poeta in sexta. Incisio constanter post quartum trochaeum.

II. *Dactylivi tetrametri s. alcmæanii* (B. Schmidtus diss. p. 58 sq.) HO. 1954 — 62 (Alcmenae) Phaed. 761 — 63 Oed. 449 — 65 (uid. infra ubi de hexametris agetur). Notissimi sunt de Senecae alcmæanii quae dixit Terentianus Maurus: „in tragicis iungere choris hunc saepe discrii Anaeus Seneca et Pomponius ante Secundus.“ de quibus quam exposuit G. Richter diss. p. 10 sententiam unice probo. Pomponii versus Marius quoque Victorinus 2564 P. et Augustinus de musica III 3 seruarunt, quorum alter quum versus naturam ibi describat ita: „Fides hic enim ubique et spondeos et dactylos poni posse praeter ultimum pedem quem metri auctor semper esse dactylum uoluit“ id Senecae versibus comprobatur. Sunt autem toti e spondeis (excepto pede ultimo) HO. 1946 1949 (ed. Bip.). Sententia quae in Phaedra 761 sqq. alcmæanii est perscripta paullum immutata iterum exponitur asclepiadeis, ita in carmine IIII eiusdem fabulae quae strophæ asclepiadæ complexus erat poeta iterum tractauit anapaesticis. Sed subito profusi hi versus „*Auceps forma bonum mortalibus*“ et q. s. neque cohaerent cum enunciato cui subiecti sunt neque recte adiungi possunt eis quae sapientia 741 — 752 erant dicta neque etiam suspicione egent propter exiguum numerum

III. *Hexametri dactylivi* Med. 110 — 115 Oed. 229 — 38. In Oedipi carmine a choro cantato quod est a. u. 403 — 506 quum hexametrorum inter partes carminis interpositorum numerus certa lege progredi uideatur¹⁾ 2 3 4 (6) 6, turbatus iste ordo semel est uersu 466:

Et sequitur curruus fugientia carbasa delphin

uerum quum quatuor locis noua res incipiat ab hexametris absoluta cui subiciuntur sententia, ille autem uersus continuet ea quae depinguntur alcmæanii 449 — 65 nec quidquam habeat quo coniungatur cum eis quae sequuntur, non dubito quin ex duobus tetrametris sit deprauatus. Simpliciore quidem ordinis restituendi rationem Gustauus Richter docuit me per literas — coniecit enim a domino hoc „*carbasa delphin*“ absolui atque finiri illam descriptionem — uerum quominus illius sententiae meam adscribam prohibeor exemplorum similium penuria.

¹⁾ In omnibus autem codicibus sic singuli sese uersus excipiunt. 403 405 404, quem qui euerteret ordinem argumentis non satis grauibz sunt usi.

VII.

Iam absolutis de quibus dicturus eram carminum generibus accedendum erat ad cantica illa quae Oedipi Agamemnonisque fabulis interposita legimus. Nam quamquam poetae artem in anapaesticis quoque carminibus quam ille adhibuerit exponendam arbitrabamur, tempus tamen in illa inquirendi non suppetebat et quae de metricis huius generis rationibus nuper exposuit B. Schmidtius sufficere uidebantur. Verum non tacendum est unum artis suae exemplum, de quo postquam luculentissime uir clarissimus Fridericus Haasius *Miscellaneorum philologicorum* libri III c. V disseruit, ad perpoliendam cantici formam pauca quaedam puto adici posse. Est autem Troadum carmen I ubi quae *Hecubae* darentur omnia in libris a u. 102 usque ad u. 116, Gronovius recepta *E* lectione *cadit et tegit* sic distribuit inter Troades et reginam: *Ch* Soluimus — ora. *Hec*. Complete — licet. *Ch*. Cadit — latus. *Hec*. Iam nuda — Hectora flemus. — Aequabilitatem carminis probe demonstratam restituisse sibi uisus est Fr. Haasius transpositis post u. 83 (puluere turpes —) his uersibus qui sine dubio sunt *Hecubae*:

Complete manus. Hoc ex Troia Sumpsisse licet.

nam quominus restitutam prorsus credamus quum responsi leges ab ipso pronunciatæ prohibent tum etiam dubitatio num recte Gronovius contra codices u. 105 — 116 dederit *Hecubae*. Satis equidem puto transpositis illis uersibus cum *Hecubae* nomine, quod nihil hoc pertinet, choro omnia quae inter u. 98 et 116 leguntur continuari, quo duas partes plane inter se respondentes accipimus et sententiis et uersuum numero — nam ne hoc quidem erit neglegendum — sunt autem utrimque XXXII monometri¹⁾:

Hecubae 83 — 97 = *Chori* 98 — 116

Responsionis exemplum initium esto et finis:

<i>Hec</i> . Soluite crinem —	<i>Ch</i> Soluimus . . . crinem
<i>Hec</i> . Solitum flendi	<i>Ch</i> . Non sum solito
uincite morem.	Contenta sono.
Hectora flemus	Hectora flemus.

Hecuba igitur postquam u. 64 lamenta edi et iusta Troiae facere iussit mulieres, illae paratas sese dicunt ad lugendum 67 — 82²⁾ et. quod dixerunt u. 80 „miseramque leua, regina, manum.“ docet illa quid sit faciendum et quomodo lugendum 83 — 97 et „uulgus dominam uile sequitur“ 98 — 116. Iam postquam edocuit illa mores modosque plangendi feminae-

¹⁾ delenda est uox *tua* quam frustra monometri partem esse uoluit *Δολοιχαρὸς* iste corrigens sic uersiculum: „exprome dolor *furiase* latus.“

²⁾ primi et ultimi uersus sententiae pares: *Non rude uulgus* Lacrimisque nouum *Lugero* iubes — *Non indociles lugere* sumus, quæ de re uid. Haasii uerba.

que dociles se praeuenerunt, questus ipse debet sequi. quae querendi partes cui fuerint tribuendae mihi non est dubium, quamquam disputandi non satis perito non contigit ut praeceptorum optimo sententiam meam probarem. est ea quae Hlades excitauit ad lamentandum quaeque ista docuit: uxor est Priami, Hectoris mater, est regina quae illis extinctis captiua regio decore exuta miserrimam Graecorum manibus expectat sortem (cf. u. 861—863). hanc autem tacere nullumque querelae uerbum ore prodere praeter illa externa quibus choro praecit mororis signa. quum Hlades acerbissimum luctum clara uoce profiteantur, hoc mihi nequaquam possum persuadere.

Et ut poetam quoque rem ita instituisse credam: habes uerba in sequenti parte quae, etsi a feminis illis aliquo modo dici potuerunt, a matre dicta maiorem querimoniae grauitatem tribuant.

Tibi materis	Ubera palmis	Laniata in cent
Fluat et multo	sanguine manet	Quamcumque tuo
Funere Aeci.	Rupta cicatrix.	

Si cui propter codices u. 117—129 choro dantes dubitatio inhaeret: omnino eam tollet Florentini codicis lectio in schedulis a Iacobo Io. Friderici filio perscripta ad u. 117 haec ¹⁾: „Chor. *Haec tibi*“ scilicet ortum est *haec* Hecubae nomine ²⁾ quod postquam interit uersibus 130 131 praepositus est qui cui dandi essent nemo poterat ambigare.

Reginae igitur questus XXX complectitur monometras 117—131, quorum ultimis duobus qui duo chori uersus formam similem habent de Priami fato lamentationem adiungunt, quam postquam sunt persecutae 132—141, praedicare illas sortem regis, qui omnibus pater fuerat, regina iubet et praedicat prior ³⁾. Duae iterum efficiuntur partes sententia a qua incipiunt alteri altera respondentes:

Felix Priamus Dicite cunctae — Felix Priamus Dicimus omnes.

Sed ualde diuersa agunt ratione regina et feminae: odio illa contra Graecorum duces Atridas maxime Ulixemque commota laetatur quod hos non uidet rex interfectus neque, quae

¹⁾ Iacobus Gronovius: „Vides aliquid deesse. ut infra non legent Priamum nisi ipso appellato. ita hic: Hectora nemus Chor. Accipe Hector s. Hector habet ista Tibi.“ Idem: „Fl. fluat, manet, melius plane ut Med. 808.“ quae recipienda duxi ut etiam infra u. 148 uidet (uulg. uidit).

²⁾ Similiter in Thy. 1021: *Fugere superi. Atr. At accipe hos potius libens* nomine Atrai non recte repetito in uulgariis — non deest *At* in Elrusco — particula illa nata, quae, quamquam efficitur hiatus, est omittenda. Alter de hoc loco B. Schmidtus p. 29. Phoen. 347: *Ant. Mitte uiolentum impetum*, Rehd. 10: *A. Ante uiolentum impetum* (et tribuuntur haec uerba Antigoniae) Rehd. 11: *Nuciy. Arce uiolentum i.* (Nuncii uerba), Conferunt propter litterarum similitudinem Antigoniae nomen et imperatorem (*Ante*), quo facto, quum uideretur personae nota, Nuntio datis per errorem his uerbis coniectura mutatur *Arce*. Eiusdem fabulae u. 405 in codd. Rehd. 10 11 Vralist. praemittitur *I (I nudum inter ensez)*, quod in ed. Petriana subnectitur uersui praecedenti: *exente. i.* Est autem locustae nominis falsae positi uestigium, nisi glossam ad perge u. 403 adscriptam potius habueris. Atque ita personarum signa in errorem duxerunt librarios Tro. 536 (Andr.) Med. 171 (Med.) Thy. 1021 (Atr.) etc.

³⁾ Alio lacrimas Rectite uestras. Est in Rehd. 10: *Flio i. f. u. tgl. ad ylion*. Conferenda uidentur cum his loles uerba HO. 178 sqq.: „*Alia* nostros Fortuna nocet Lacrimas. *alias* Flere ruinas Mea fata iubent.“ cf. 202 Felix felix.

ipsi superstiti sors instat, bellica praeda in triumpho ducetur Mycenis, mulieres chori partes tuentes — quem plerumque poetae mentem expromere in his tragoediis obseruauimus — libertatem qualem Stoici putabant apud inferos assecutum esse patrem praedicantes sententia quae maxime placebat Senecae claudunt carmen hac: „Felix quisquis Bello moriens Omnia secum Consumpta uidet.“ Sed mirum quod non in Hecubae uerbis animaduersum est his idem dici:

	Nec feret unquam	150	Non Argolici-
147	Victa Graium	et	Praeda triumph
	Cernice iugum		Subiecta feret
	— — — —		Colla tropaeis

quorum si priora simul cum istis uerbis quibus succedunt: *Liber manes Vadit ad imos* in antistropa ponimus, ubi libertatis clara et aperta mentio desideratur, haec uerba: Non ille duos uidet Atridas et q. s. aptiorem ad Hecubae mores sensum accipiunt quam nunc fit, quum eorum uis debilitetur uerbis quae praecedunt.

Sed alia etiam mutatione opus esse carminis pars altera et tertia inter se respondentes et initio et in fine positis sententiis docent quarum ultimae hae partes sunt similes. Haec enim uerba *Felix Priamus* pro epiphonemate habenda sunt ¹⁾ atque repetenda in Hecubae orationis fine ubi, quum eadem sequerentur, facile interciderunt:

Hecubae		Chori	
	Felix Priamus		Felix Priamus
145 a	dicite cunctae	157 a	dicimus omnes
148	Non ille duos uidet Atridas nec fallacem cernit Ulixem,	145 b	<i>Liber manes uadit ad imos nec feret unquam</i>
	— — — —	147	<i>uicta Graium cernice iugum</i>
155	laetis fiet pompa Mycenis: <i>Felix Priamus.</i>	157 b	<i>Secum excedens sua regna tulit</i>
			et q. s.

Quodsi probabitur totius cantici haec erit imago:

Ch.	Hec.	Ch.	Hec.	Ch.	Hec.	Ch.
30	32	32	30	20	5 20	20

¹⁾ Ex huius carminis epiphonematibus *Hectora stemus, Felix Priamus*, quibus addere licet formulas has: *Solute crinem, Solumus omnes, Dicite cunctae, Dicimus omnes*, nouum etiam argumentum peti potest *monometris* Senecam usum esse.

VIII.

Unicoque tragoediarum ut discernantur quinque partes¹⁾, quibus nomen *actus* Romanum est²⁾, *ἐπεισόδια* Graeci uocant³⁾, addita sunt quatuor cantica eorum loco quae *σάσματα* erant Graecis. et ultimi quidem carminum illorum versus artissime cohaerent cum actu qui sequitur et eisdem fere aut similibus uerbis indicantur a choro personae in scaenam intrantes quaeque post ea aguntur: *sed quid — hem quid — sed ecce — quae uox — quisnam ille*⁴⁾. quin etiam abiecto carminis metro⁵⁾ trimetris utitur chorus ut Ag. II 4 trim. III 7 tr. Phaed. I 2 tr. quos primo actui adiungendos uidit Gruterus, si typis exprimenda est illa diuisio, II 11 tr. III 2 tr. IIII 2 tr. Oed. I 4 tr. Corrupta autem esse quae quatuor anapaestis addito etiam trimetro nuntiantur III. I f.:

Sed moesta uenit Crine soluto
Megare paruum Comitata gregem
Tardusque senio graditur Alcidae parens.

iam inde apparet quod nunquam diuersis metris eandem persecutus est poeta sententiam. neque codices remouent suspicionem, nam in R 10 11 haec sunt:

Tardusque senio graditur
Alcidae parens

additur etiam inter *senio* et *graditur* in R 11 *comes*. anapaestis igitur restitutus ita fortasse legendum:

Graditurque comes Tardus senio Pater Alcidae.

¹⁾ Non eadem est in edd. et codd. fabularum in actus diuisio. nam quum *Hercules* quoque *Oetaeus* in libris impressis sit quinque partita, septem partes sunt in R 10 11 (ceteri quot habeant me fugit) sed illi ipsi differunt aliquantum. in utroque quidem *secundus* actus orditur a choro u. 104, *tertius* u. 233 (ubi secundi initium in edd.), *quartus* u. 706 (tertius editionum) *quintus* (quartus edd.) u. 1131, *sextus* (quintus edd.) u. 1607, sed *septimus* incipit in R 11 u. 1758, in R 10 u. 1940.

²⁾ Hörst. A. P. u. 189.

³⁾ Non adscripta sunt eorum signa in codicibus nisi in margine ita ut librarii uel interpretis non auctoritas esse pateat.

⁴⁾ Vocula *sed* raro sola posita est (Hf. 202), additur uel interrogatio (quis quid quidnam) uel interiectio (ecce en) quare Tro. u. 1000: *Sed incitato Pyrrhus accurrat gradu* legerim potius *Sed en citato*. cf. HO. 1008 sed ecce Oed. 1604 en ecce. neque etiam *incitatus* de gressu usurpat Seneca qui incitum cursum dixit Thy. 28 citare gressum HO. 513 citare cursus Phoen. 393 citato gradu Phaed. 989 1062 citatum gradum Med. 891 citatis passibus Phaed. 1001. Vocula uero quae est en saepissime in praepositionem mutata. ita Phaed. 826 *in scelera s. in scelere* omnes mss. praeter E, in quo *en scelera!* legitur, et Melisseum ab altera manu ita correctum: *en scelera*.

⁵⁾ Eodem metro tota res perficitur Oed. IIII 4 glyc. HO. II 12 anap. HO. III 6 anap. HO. IIII 11 sapph. cum edonio.

Prorsus deest talis transitus Thyestae Troadum Medae Oedipi (praeter c. I f.) fabulis, de-
sideratur etiam Ag. I III HO. f., quamquam hic illic carminum finis uidetur abreptus esse
uelut Thy. I ubi consentientem habeo Gronouium. Phoenissarum nullum superest carmen.

Et canuntur *stasima illa*, si diuersa eodem nomine licet significare, a solo choro prae-
ter Tro. I HO. I quae inter chorum et personas sunt distributa. De Troadum cantico ubi
de Hectore et Priami fati queritur Hecuba cum Troadibus supra diximus. In HO. a u.
104 ad u. 232 cum uirginibus Oechalidis queritur Iole¹). Addendum erat eis Agamemnonis
carmen III cum diuerbio illo lyrico inter Iliades et Casandram, sed non recte quarti actus
signum positum est post u. 781, ut diuerbio finiretur actus tertius. immo a Casandrea uer-
bis u. 659 quartus incipit cuius eandem fere nunc longitudinem cum ceteris esse uidemus
— 267 uersus — quum breuior sit in edd. centum uersibus²).

Stasimis autem plerisque unum tantum poeta metri genus adhibuit plerumque anapaes-
ticum. Sapphicis quinquies est usus, ter asclepiadeis, bis glyconeis, glyconico-trochaicis
semel, semel etiam anacreonticis. Aliae carminum partes aliis metris exornatae reperiuntur
Med. I HO. I Hf. III Phaed. I II III Oed. I et quae in altera commentationis parte tra-
ctabo Ag. III III Oed. II III. Quibus statim ex ceteris carminibus quae non sunt pro
stasimis addimus Medae carmen quod est in quarto cognominis fabulae episodio u. 740—848.
In conglutinandis autem diuersi generis metris quod neque ulla apparet lex neque artis
uestigium quis miretur qui considerat in Romanorum mentibus sensum illum qui aliis me-
tris alium characterem impressum esse Graeci sentiebant euauisse. Diu ante Senecam
omnia metrorum genera omnibus animi motibus describendis inseruire coeperant, quoad de-
eori non sensus sed consuetudo quaedam permittebat. Itaque quod poeta Phoebi oracula
hexametris, orationem Creontis qui refert Apollinis responsum tetrametris trochaicis perfecit
(Oed. act. II), quod Medae carmen incantatorium incipere a tetrametris (Med. act. III
med.), hymnum in Bacchum (Oed. act. II med.) hexametris includi, epithalamium (Med. I)
hexametris iussit finiri, in eo morem secutus est poeta quem derelinquere non uidebatur
aptum. — Duo potissimum sunt carminum genera:

1 Sapphicis aliorumque generum metris adiunguntur *anapaesti* quibus continuatur de-
scriptio ibi incohata. ita Phaed. I (51 sapph. 64 monom.) Hercules apud Omphalen depin-
gitur. Oed. I (44 sapph. 64 anap.) pestis Thebana amplius narratur. Ag. III Troiae disci-
dium 40 anap. quibus praemittuntur 48 uersus quorum adhuc genus dubium³). Oed. III
Spartorum pugna 25 anap. post 29 dubios uersus quorum ultimi et misere lacerati et, quod

¹) 69 asclep. Chorus, 102 monom. anap. Iole, 13 s. 15 monom. anap. Chorus — namque u. 229 *Fu-
tusque suos Variare potest* abest tribus uelustioribus exemplaribus Pall. (Commellino et Grutero testibus)
R 10 et ed. Bas. haec autem uersum in marg. adscriptum habet. Praeterea editiones aliquot ut Lugdunensis
de suo attulerunt inter *ma* et *casus* hoc: *nec seruit inops*, quod sparium produunt mss.

²) *Tertius* actus in R 10 incipit a u. 310 (Canite), *quartus* uero ubi tertius editionum, u. 392, *quintus*
u. 589 (Ileu quem dulce) *sextus* u. 808 (Argos nobilibus) *septimus* u. 867 (Res agitur).

³) Similiter HO. I ubi, postquam de fortunae uicibus questus est chorus 69 asclepiadeis, suam fortunam
luget Iole 102 anap. cui respondent uirgines Oechalides 13 anap.

nullo fieri posse exemplo ex his tragoediis sumpto docemur, cum anapaestis arctissime coniuncti sunt:

ante non linguas
Agiles et ora uocis ignotas
Clamore primum hostico *expert*i
Agmina campos
Cognata tenent.

Quae ab omni explicatione et interpretatione sunt exclusa, quamquam non ueriti sunt doctissimi uiri grammaticis rationibus ea probare. Interim non coherere ista sed nouae sententiae initium esse ab *Agmina*, a quo uerbo nouum incipit metrum, semper contendam.

Claudatur descriptio illa his uersibus:

Hac transierit Ciuile nefas. Ille Herculeae
Norint Thebae Proelia fratrum.

„atque utinam hic finis sit intestinis et ciuilibus Thebanorum bellis“ Farnabius (cf. Thy. 510: quicquid irarum fuit Transierit. ex hoc sanguis et pietas die Colatur. animis odia damnata excident. Thy. 744: hactenus sistat nefas.) Quis non uidet hunc finem esse totius carminis? quid praeter ea dicendum restabat choro Thebanorum? tamen 26 anapaesti statim adduntur quibus Actaeon a Diana punitus ostenditur. Sed Actaeon in tota fabula ne semel quidem commemoratur. Spartos Creon uiderat in Tartaro (u. 586), uiderat Pestem, Zethum (609) Amphionem (612) Nioben (613) Agauen cum Pentheo (616) Laium denique: de Actaeone nihil. et quid ille ad deorum iras inde a Cadmi aduentu Thebanorum terram petentes? non deorum ira illa, sed modo tentatus Dianae pudor acerbissimae sortis erat causa. quod poeta palam profitetur u. 760 sq. „ubi uirgineos fouerat artus *nimum saeui* diua pudoris.“ Quare Farnabium („diua pudoris sui nimis saeua uindex: quae quum erratum tam crudeliter ulta sit, graues in Thebanos iras deorum arguit“) recte quidem repellit Editor Lemairianus („apte quidem (ille) ad totius scaenae sensum, sed ut uersus ponitur, debent ea ni fallimur de Actaeonis solius poena intelligi“), uerum non uidit quid inde sequeretur. remouenda enim ex hoc cantico est tota de Actaeone narratio. Superest autem, ut et quomodo huc peruenerit et si fieri potest unde sit translata, ostendamus. Quae in canticis tractantur saepe in scaenis quibus sunt subiecta a personis iam sunt indicata. Itaque si Actaeonis mentionem fieri aliquanto grauiorem alicubi inuenerimus, illuc potius pertinere quam huc credenda erit haec carminis pars. Dicit autem Oedipus Phoen. u. 12:

Ibo ibo qua praeruptus protendit iuga
Meus Cithaeron: qua peragrato celer
per saxa monte iacuit Actaeon suis
noua praeda canibus.

Penthe post illum refert mortem, Zethi iuuenem, Ino, ipsius denique expositionem. Reditque ad Cithaerone regis miserrimi mens:

illo teste damnauit parens
calidoque teneros transit ferro pedes

et in alta nemora pabulum misit feris
 aubisque saenis, quas Cithaeron noxius
 cruore saepe regio tinctas alit.

Repetitae chorum fusiusque narrasse haec quae sacer Cithaeron uiderat non solum ueri est simile, sed repetendi paene officium Oedipi uerba illi fecerunt. partem igitur chori Phoenissarum primum actum finientis deprehendisse mihi uideor. Oedipi autem chorus nihil nisi Cadmi fata narraturus erat. Et sequitur in hac re Euripidem qui Phoeniss. u. 638 praeter draconem Spertosque nullam aliam persequitur Thebanorum luem. contra in singulis describendis res imagines uerba ex Ouidii Met. libro III mutuatus est. quod quum etiam in Actaeonis historia, quae sequitur apud utrumque Cadmi fata, fecerit ¹⁾, eodem tempore et in Phoenissis et Oedipo componendis occupatum quae in Ouidio et huic et illi apta inuenisset in una eademque perscripsisse charta poetam suspicor. neque illa postea in ordinem redacta esse mirandum, quum innumera extent testimonia eaque certissima quae ex poetae schedis ab alio quodam uel aliis transcriptas atque in id uolumen quod nunc tenemus compositas esse Senecae tragoedias demonstrant.

2 Eiusdem rei gradus quodammodo atque narrationis momenta metrorum mutatione efferuntur. Id factum in Bacchi laudibus Oed. II ²⁾ et Medae cantico Med. act. III med. ³⁾ ita in epithalamio Med. I asclepiadeis deos imprecatur chorus ut adsint nuptiis, describit sponsi formam glyconeis sponsae asclepiadeis, hexametris denique nuptiarum laetitiam excitat. Hf. III Herculis iter ad inferos postquam sapphiciis narrauit, ad reditum celebrandum Thebanos adhortatur glyconeis. similiter Hippolyti forma celebratur Phaed. II primum sapphiciis deinde asclepiadeis, ubi qui interpositi sunt alemanii forsitan remouendi sint. Rare partes illae diuersis metris ornatæ aequabilitatem ostendunt. Voluit fortasse eam poeta efficere Med. I: 19 ascl. 18 glyc. 17 ascl. quos sequuntur 6 hexametri, atque inuenimus in Oed. II legem quandam hexametrorum quibus diuersa illa metra discernuntur atque cinguntur — qui autem interpositi sunt sapphici anapaesti alemanii nullam omnino ostendunt legem, quæ etiam desideratur in Medae carmine magico et Hf. III ⁴⁾.

Superest ut strophæ uel stropharum mentionem faciamus quæ Phædra c. III sententias anapaestis expressas clatiore sono ac festiuioribus uerbis repetunt, quas sequuntur quinque sapphici quibus quod antea chorus dixerat de fortuna infideli Theseæ domus exemplo probat.

In mediis episodiis raro carmina sunt collocata atque ea plerumque breuia. desunt omnino in Hercule furente et Phædra, singula sunt in Troadibus (III med. Andromachæ

¹⁾ Ouidii u. 194 uinacis cornu cerui 200 cornu uidit in undis 174 Ecce nepos Cadmi (cf. u. 135 138) 162 Hic des siluærum uenatu fesso solebat Virgineos artus liquido perfundere rore. 153 nodosa lias. 253 des uolentior aequo.

²⁾ Inuocatio Hæc ades — Bacchi forma et cultus Silenus Bassarides Ino et Palaemon
 2 hex. 2 strophæ (?) 16 (?) sapphici cum adonio 3 hex. 25 anap. 4 hex.
 Tyrrheni Massagetæ Victor Bacchus Sempiternus Lyæi cultus.
 19 (?) alemanii 5 hex. 31 uersus (?) 8 hex.

³⁾ Comprecatur foras deos Iuuliat Phœben Ipsa sacra et ueneficia Truine incantatio
 12 troch. tetr. 19 trim. iamb. 8 disticha (trim. cum dim. iamb.) 109 anap. monom.

⁴⁾ 45 sapphici 20 glyconeis.

anap. 708—38) Thyesta (V med. Thyestae anap. 920—69) Oedipo (V med. chori anap. 980—97) Agamemnone (III in., in editionibus uero III f.). Quod ultimum posui Casandrae et chori diuerbium est singulare in his tragoediis quo illud expressit Seneca quod est apud Aeschylum Ag. 1013—1287. uerum eius aequabilitatis quam instituit graecus poeta nulum inest uestigium). Nec minus eximium Medae canticum (III med.) quod saepe commemorauimus. *tria* sunt in Hercule altero (III med. Chori anap. 1207—1217. V med. Alcmeneae anap. 1863—1939 alcmanni 1944—1962).

Semel tantum tragoediae initium fieri uidemus ab anapaestis in Phaedra u. 1—84 ubi loquitur Hippolytus, *semel* eodem metro *finiri* tragoediam eam scilicet quae multis in rebus ab octo prioribus discedit, Herculem alterum (Chorus 1983—96).

VIII.

De *Phoenissis* quid sentiam supra dixi. eorum enim carminum, quae necessaria erant ut tragoediae nomen acciperet, partem interuisse partem non perfectam a poeta puto. Deest etiam praeter actum quintum magna dialogi pars neque quae sunt seruata unius tragoediae esse partes uidentur. quod recte contenderunt B. Schmidtus in sententia controuersis additis dissertationi suae et Gustauus Richter in diss. de Seneca tragoediarum auctore. Bonnae (1862) p. 21.

Octauiam denique quisquis fecit, longe discessit ille a Senecae rationibus. Nullum enim adest in secundo actu nec *αὐτίκως* nec aliud canticum et quod quartum claudit et breuissimum est (28 anap.) et pertinet ad scaenam. Maior eorum carminum est numerus quae immixta sunt episodis, accedunt ea quae initium faciunt et finem fabulae. Nam Octauia postquam anapaestis sola est quæstæ, cum Nutrice queritur u. 58—99 quae u. 201—221 cum Iunone comparans illam consolari studet. Actu autem III med. chorus u. 762—79 laudat Poppæae formam. finitur tragoedia diuerbio inter Octauiam et chorum u. 877—982. Seneca igitur quod raro admisit ab Octauiae auctore iusto saepius est admissum, at quae necessaria erant hic neglexit. Neque ullo alio metro praeter anapaestos est usus, quos Seneca singulis tantum uel binis (bina sunt in Ag. et Hf.) stasimis adhibuit.

At ego non omnia ita a poeta profecta sed librariorum culpa multa esse confusa putauerim atque confido magnam eorum partem in ordinem suum posse restitui. Nam quod Delrius ad n. 586 (u. 592 ed. Bip.) adscripsit: „uidetur intercidisse chorus uel alium in locum irrepisse,“ rectissime hoc sensit, quamquam licet dubitare num alias habuerit causas praeter Senecae morem quo actus choricis concludit. Quam rem si accuratius esset persecutus lacunam illam facillime poterat explorare.

¹⁾ Cas. 5 trim. Ch. 58 anap. 2 tr. Cas. 15 tr. Ch. 10 tr. Cas. 39 tr. 16 dim. iamb. Ch. 7 tr.

Queritur Octauiæ suam fortunam, genitricis mortem, saeuam nouercam patrem a nouerca et marito interfectum. querelam nondum finitam subito Nutrix abruptim Claudiae domus sortem ut fit in prologis narrans, quæ Neronis postquam recensuit scelera, infelicem descripsit sororem eandemque coniugem, Claudiae iram odium dolorem ostendit, iam quod animo commissum uidet scelus nefandum, uxoris discidium atque necem indicat. hæc simul ac conuenit, statim interruptam alumna de patris morte lamentationem denuo excipit. — Vides Octauiæ sermonem uiolentissime discerptum, prologum non suo loco positum. hunc igitur iure restitueris ordinem: Nutrix u. 35—71, Octauiæ u. 1—34, 58—71. — Iam loquitur Nutrix (a u. 72) consolatur monet ut blando obsequio uirum uincat. inuisam se flet Octauiæ coniugi suæque subiectam famulae (superbae pelici u. 125, quæ sane „pretium stupri iustae maritum coniugis captat caput“ u. 133). Iterum illa „uince obsequendo.“ sed Octauiæ: „Expectat aliam Principis sobolem domus; Me dira miseri fata germani trahunt.“ Metum expellere studet, ciuium fauore solatur Nutrix, sed euauit omnis spes in Octauiæ mente, pelex atque iterum pelex timetur, quæ quamquam nondum uxor est „iam uxor fiet et genitrix simul.“ Excusat Neronem Nutrix iuuenili ardore, „languescit idem facile nec durat diu,“ iam timere ait ipsam Poppaeam: „et hanc leuis fallaxque destituit deus Volucer Cupido, sit licet forma eminens.“ sequitur anapaesticum carmen u. 201—221 quo cum Lunonis doloribus quæ nunc patitur Octauiæ contenduntur; finitur autem simili atque antea adhortatione „graues uince dolores.“ Post hoc demum carmen ad nutricis priorem sermonem (u. 177 uince obsequendo) alumna se uertit: „nunquam cum scelesti coniugis mente impia mens nostra iungetur.“ Crescit inde odium in Neronem in immensum nec quidquam possunt Nutricis uerba: „Sed cede satis . . . quamquam indignus ille est . . . forsitan laetus et ueniet dies.“ Redit luctus ad matris memoriam. — Quæ interposita sunt Nutricis et Octauiæ uerbis interse respondentibus absolutum quoddam carmen esse testantur sententia quæ initio et in fine sunt collocatae (u. 201: Passa est similes ipsa dolores regina deum = u. 219: Tu quoque terris altera Iuno, soror Augusti coniuxque, graues uince dolores). quod carmen ego minime aptum puto nutricis in ore. nam quamquam saepius diuerbiis adhibitum est anapaesticum metrum, nusquam una tantum earum quæ in scaena agunt personarum eo utitur. accedit quod illa cum Iunone comparatio ne pertinet quidem ad Nutricem, nam eam chorus sibi sumpsit u. 282: Fratris thalamos sortita tenet maxima Iuno, soror Augusti sociata toris cur a patria pellitur aula?) denique qui poterat Octauiæ responsio a Nutricis uerbis quibus mitiore eam uult reddere (189—200) comparatione ea quæ toto coelo diuersa est ab argumentis modo allatis disiungi? Quare remouendum illinc mihi uidetur carmen atque si fieri potest adscripto chori nomine post u. 272 transponendum. quum enim timoris plenæ essent et Octauiæ et Nutrix atque a Nerone extrema sperarent (iam totius tragoediae finem Nutrix praefinxit prologi u. 56 57; et quæ sibi Octauiæ expectat dixit u. 133 sqq.), non tamen omnem spem altera dimisit, si modo obsequi uelit Octauiæ coniugi, quod iterum iterumque monet Nutrix solata etiam ciuium fauore, qui choro deinde erat pronuntiandus. Atqui solandi officium carmen illud quo Nutricis admonitio retractatur (uince obsequio. cf. 192 amor perennis coniugi castae manet) melius tuetur quæ qui nunc post u. 272 legitur chorus: „Quæ fama modo uenit ad aures!“ (est autem euocatio.) Sane hoc quoque canticum fauorem populi summum indicat. at famam illam quod iam hoc loco communicat, non conuenit cum fabulae rationibus, quum adhuc nihil certum sit pronuntiatum de

discidio illo quod re uera imperator postea fieri iussit. et consilium illud in alterius demum partis sine ratum facit Plauti Sullaeque conatibus stimulatus (u. 469 470 „Tollantur hostes ense suspecti mihi. Inuisa coniunx pereat et carum sibi fratrem sequatur“) Senecae etiam hortationibus non placatus sed magis magisque excitatus ¹⁾ (quem eisdem fere atque Nutrix argumentis, iuuenili nempe ardore, in excusanda coniuge usum uidemus u. 537 teneris in annis — cf. u. 189 iuuenilis ardor). qui postquam reliquit scaenam, Nero u. 590 sq. secum loquitur haec:

Et ipse populi uota iam pridem moror,
Cum portet utero pignus et partem mei
Quin destinamus proximum thalamis diem.

Tum demum postquam populi dolor atque uota sunt nuntiata (u. 572 591) atque destinatus est nuptiarum dies famaue illa („modo audita“) diuulgata, chorus poterat existere lugere, *frustra toties iactatam* dicere famam, quae utinam nunc quoque perdat fidem, reuocare maiorum uirtutem, qui uli essent Virginiam ultique Lucretiam, qui sceleris poenas a Tarquinio sumpsissent cum Tullia coniuge, narrare quale et ipsi scelus uidissent Agrippinae necem a Principe commissam, his omnibus ad Augustae ultionem sese instigare. Atque chorus ipsa etiam Neronis uerba ultima (u. 591) respicere uidetur in his: edat pignora pacis. His de caussis non dubito quin totum carmen quod legitur a u. 272 ad u. 376 reponendum sit post actum secundum u. 592 ubi desiderauit Delrius. Nec unam Romanorum istam cohortationem fuisse, quam repetunt minis etiam additis u. 660—689, a Nuntio u. 780 sq. docemur, cuius uerba u. 789 res ipsa docet ita esse emendanda ²⁾:

Reddere penates Claudiae ciues parant.

¹⁾ cf. 540 sqq.: Hoc equidem et ipse credidi frustra diu
— — — — —
Tandem quod ardens statuit ulcisci dolor
Dignemque thalamis coniugem *inueni* meis.
— — — — —
Hic mihi iugales praeferat laedas deus
Iugletque nostris igne Poppaeam toris.

quibus opponit haec Seneca u. 572:

Vix sustinere posset hos thalamos dolor
Fidesque populi: sancta nec pietas sinat

Sed his et quae uersibus 575 578 579 sequuntur confirmat potius Caesaris consilium.

²⁾ Codd. diui. inepte Ritter diri.



